

JESU KRESTE EENA MAOBANE, KAJENO, LE KAMEHLA



Kea leboha, moena. [Moena Samuel Johnson o re, “Molimo a u hlohonolofatse, Moena Branham.”—Mohl.] Khele, ke tla tlameha ho phela, ho phela ka seriti se joalo, na ha ho joalo? Ka sebele ke ananela seo, leha ho le joalo. Hola ho se motho ea lumetseng, ho ne ho tla nthusa ka eng ho tsamaea? Ee. U tlameha ho ba le motho eo u ka mo lumelang. Ho sa tsotelehe seo Molimo o ka se etsang, haeba u sa lumele seo O se etsang, joale. . . Eka khona ebe bobeli ba rona, u a tseba, motho o lokela ho lumela le 'na bakeng sa sena. 'Me ho sa tsotelehe se ka etsahalang, haeba—haeba ho se motho ea lumelang, joale e ke ke ea e-ba molemo, e ne e ke ke ea thusa ho hang. Empa ke thabile haholo ho utloa hore batho ba ntse ba lumela pale ena e babatsehlang ea Morena Jesu. O lerato le mosa ho rona bohle.

² 'Me ke bile le nako e monate hakana bosiueng bo fetileng. Ke—ke ile ka ea hae 'me ka phela ka lipheto tsa eona ho fihlela nakong ena. Ke khutla ho tla tlatsa hape. 'Me ke nahana hore sena ke seo bohle re se tlelang, ke ho utloa lifela tsa Sione, bopaki ba batho, le ka tlung ea Morena.

³ Joale, ke lumela ho boletsoe, ka Bibeleng, “Ho monate hakakang ha baena ba phela hammoho ka kutloano.” Ho joaloka oli e tlolo e neng e le litelung tsa Aarone, e phallang ho ea fihla mosehong oa seaparo sa hae. Ke nahana hore ha ho letho le bohlokoa ho feta ho bona e—e batho ba kopaneng, ka Moea oa Morena, ho ba bonngoeng, ho lumellana bohle.

⁴ Ua tseba, ke nahana matsatsi a leshome ao ba neng ba emetse e—e tšoloho ea pele, ea pele ea Moea o Halalelang, kamoo eo e ileng ea tlameha ho ba nako kopano, ea batho bohle ka pelo e le 'ngoe le khopolo e le 'ngoe. 'Me nako le nako ha motho a kopana ka mokhoa oo, ho tloha mohleng oo, Moea o Halalelang o kopana le bona kamehla.

⁵ Biblele e boletse, Jesu o a bua, ho boletsoe ho re, “Moo ba babeli kapa ba le bararo ba kopaneng ka Lebitso la Ka, Ke mahareng a bona.” Ka baka leo joale re a tseba, ka 'nete, hore Jesu o phuthehile le rona, hobane re bokane ka Lebitso la Hae.

⁶ Joale, bosiueng bona, bo khethetsoe ho rapella bakuli. 'Me ha ke kena monyako, ka bona ba robetseng mono, ba kulang 'me ba hlomohile. Mora oa ka o sa tsoa khutla ho lata Khaitseli Moore le 'na, le ho tliša kerekeng; 'me o ipoletse a ntšitse litlankana tsa thapelo, a tle a khone ho li bala le—le ho nyolla batho a le mong ka nako, ho ba rapella.

7 Kajeno ke bile le letsatsi le monate. Ke ne ke le tlase ka hara e—e paka e nyenyane tlase mona, 'me ha tla monna, a bokella e—e lintho tse tsoang moqomong oa lithōle.

Ke itse, “Ke mona bakeng sa kopano.”

A re, “Oh, holimo mane litšeng tsa ho kampa?”

Ka re, “E.”

8 A re, “Be,” a re, “ke tla nyoloha hosane bosiu.” A re, “Ho na le moreri, Moena Branham, ea tlang ho bua.”

'Me ka re, “E, monghali.”

9 'Me a re, “Be,” a re, “ke batla ho nyoloha.” Ho re, “Mohatsa ka le lelapa ba ne ba nyolohile maobane mantsiboea.” 'Me—'me e—e monna o ne a tsuba.

10 'Me—'me ka re, “Be,” ka re, “na u tseba Moena Branham?”

11 A re, “Oh, e se e le lilemo tse ngata tse fetileng.” A re, “O ne a le mona bakeng sa . . . Ke nahana hore ho hloka sebetse se sengata, kapa tumelo, kapa ho hong.” A re, “Ke ne ke le mona polokelong ea lihlomo ho mo bona a tliša batho bao holimo mono, ka libethe le litrechara, 'me ba foufetse 'me ba sothehile, le ho ba bona ba tsamaea ho tloha kalaneng.”

Empa ka—ka re, “Ke—ke Moena Branham.”

12 'Me eena—a re, “Oh, ha ke . . .” A potetsa sakrete sa hae. 'Me ke mofuta oa monna ea khabane. 'Me monna e mong a nyoloha, a le mosa haholo.

13 Ra qoqa nakoana, ra ba hlalosea ka Boteng ba Molimo. “Mono—ha ho—ha ho moo u ka shebang teng. U ka sheba sefate, u ka bona hoba se busoa ke Molimo. 'Me sohle seo u se shebang ke Molimo.” Ka re, “Ke a tšepa ha re ka kopana hape, bophelong, u tla ba Mokreste joaloka lelapa la hau.” Ho ba rapella hang feela ha ba tloha, monna e mong.

14 'Me haeba ba le teng mona bosiu bona, ke tšepa ke sa ba soabise ka ho bua sena, empa ke—ke—ke tšepa Molimo o tla etsa banna ba babeli bao Bakreste. Re batla ho kopana hape naheng e molemo, moo Sefate sa Bophelo se thunyang mose oane oa noka. Kaofela rea tseba hore re tla ka tsela eo.

15 'Me joale ho feta limarakeng le libakeng, 'me ho khutlisa mehopollo ea khale. 'Me maobane mantsiboea ha ke tsoa, Moena Johnson o ne a lutse kante mono, moena, eena le Khaitseli Johnson. Ke qetitse lilemo tse ngata ho ba bona. Lekhetlo la ho qetela ha ke 'mona, o ile a otloa setrouku, a shoele litho. E ne e le koana California, Moena Noel. E khutlisa mehopollo ea mehlang ea khale, ho tla khetlo la pele Arkansas, motsana o bitsoang Moark, kerekana eA Pentekosta e lutseng morao lehlakoreng le leng. Ho theohela ho Moena . . . ho Corning, Arkansas, Moena Johnson le mohatsa'e. 'Me kamoo ke hopolang matsatsi a maholo ao!

16 Ho theohela tlase ho Moena T. Richard Reed. Ke hopola hoseng, mane Jonesboro, mosali oa hae, e ne e le nyopa. O ne a batla bana.

17 Ke ne ke le ka morao ka phaposing, 'me batho ba hahotse lesira fensetereng, ba kena, ba rapella bakuli. A boela a mpeha ka phaposing. Ke ne ke tla tsoara mola oa thapelo. A nkhopola ke kene ho ea robala, 'me batho ba ne ba ema holimo-le-tlase ka jareteng e ka morao, ba theile mola oa thapelo. 'Me eèna a robetse kantle mono; ke ne ke le morao mono ke rapella bakuli, ka fesetere.

18 'Me ke hopola, hoseng ho hlahlamang, ha ke tsoa. 'Me Khaitsele Reed o ne a sebelitsoe ke ngaka le ntho e 'ngoe le e 'ngoe, ho leka ho fumana lese. 'Me ka qala ka feta menyako, e 'ngoe ea lipono tsa pele kopanong, ka 'mona a tsoere moshanyana ea hlooho e tšehla. Ke buile ka Lebitso la Morena hore o tla le fumana. O entse joalo, le kamoo Molimo o hlohonolofalitseng lelapa la bona.

19 'Me, oh, lintho tse ngata hakana! 'Me Moena G. H. Brown; Little Rock tlase mona. Ke hopola mono, 505 Victor Street.

20 Ua tseba, nka—nka rata ho nka letoto la likopano ebe ke khutlela morao, koana Arkansas le likereke tseo le lintho, le ho bona batho, le ho tsukutla matsoho a bona. Hoo ho a babatseha, batho ba Molimo! Hohle moo ke ileng teng, nkile ka fihla tlase likhoeng tsa Afrika, le koana har'a ma-India, batho ba jang mollo, le baloi ba lingaka, le lichaba tsohle, le lefatšeng ka bophara, empa ha ke eso le bale metsoalle ea ka Arkansas, kamoo ba neng ba tsoara matsoho ao, 'me ba robatsa bana ba bona tlas'a teraka ba ntse ba letsa. . .pula e na. Ho bona banana ba theosa ka seterata, ba sa roala maotong, kapa ba theosa ka tsela, 'me ba ntsoo hlakol lerole maotong a bona 'me ba roala lieta tsa bona le likausu, ba kena. 'Na ke le morao lihlahleng, ke rapella kopano. Nke ke ka lebala seo, seo batho ba makhontho ba leng sona. Ke. . .ke leboha haholo ha batho ba joalo ba sa le teng lefatšeng.

21 Bosiung bona, ke ne ke lebetse hore ke loketse ho tla kopanong ena tsatsi le leng, 'me e sa tsoa hula, ho rutla. Tsatsi le leng e. . .e mong oa limanejara tsa kopano o hlokomela mangolo a linaha lisele, o ile a kena le—ka limemo tsa linaha lisele tse makholo a tšeletseng, 'me bongata ba tsona e le liqelo; ntle le moo, buka e botenya *boo*, likhoeling tse tšeletseng tse fetileng, e keneng bakeng sa libaka. Ekare nka ea ho e 'ngoe le e 'ngoe ea tsona. Empa ka tloaelo ke leka ho nka tsela eo Morena a mpiletsang ho eona. Ha ke eso lumelle likopano tsa ka ho ba kholo. Ke sa le thaka la khale le kileng la fihla khetlo le leng. Ha ke a tlameha ho fumana chelete ea letho. Ha ke na mananeohali a maholo a tšehetsoang. Ha ke hloke chelete ea letho ho hang. Morena o hlokomela seo, joaloka ha A entse qalong.

²² Phapang e le 'ngoe feela bosiuong bona, khetlo la pele ha ke fihla Corning, kea kholoa e—e pokotho e ene e tabohile, moena oa ka a mphile sutu ea hae e joalo. Mohlankana, 'me a—a e tabotse. 'Me—'me ke . . . E ne e le ka letsohong le letona, 'me e tabohile haholo ka morao. 'Na le mofumahali re ile ra theohela levenkeleng la lisente tse leshome 'me ra fumana lipeche tsena tseo u li aenang, u a tseba, empa ha e a sebetsa pokothong ena. Ea lula e hlaha. 'Me ka ithekela khareng ka e rokella. E ne e se mosebetsi o motle haholo. Ke se na jase mohlang oo, 'me ke sa hopola ke loketse ho pata sebaka seo se tabohileng ka letsoho la ka le letona, le ho tsukutla matsoho le metsoalle ea ka ea bareri ka letsoho le letšehali, ho thibela baki eo ho bonahala. 'Me ka re, "Tšoarella letsoho le letšehali, le haufi le pelo ea ka." Be, bosiuong bona ke apere baki e ntle ho feta, empa ke sa ntse ke le batla haufi le pelō ea ka. Esale le lutse mono nako eohle. Ke rata Morena Jesu joaloka ha ke entse mohlang oo.

²³ 'Me ke bile le monyetla oa ho bua le batho ba likete tse makholo a mahlano ka nako e le 'ngoe. Ke bone memo ea aletare, bongata bo ka bang likete tse mashome a mararo a matsoalloa a kobo a nehela lipelo tsa bona ho Jesu Kreste ka nako e le 'ngoe, ho roba melingoana ea bona fatše. Ke bone mehlolo e ikhethang e likete tse mashome a mabeli a metso e mehlano e etsoa ka motsotsoana o le mong, ka thapelo e le 'ngoe, Durban, Afrika Boroa; moo literaka tse leshome le metso e tšeletseng tsa litulo tsa bakuli, mealo le literechara—literechara li theohang ka seterata.

²⁴ Tsatsi le hlahlamang, mohla Sidney Smith, ramotse, a mpoellang ho ea; a ntetsetsa, ho re, "E—ea phaposing 'me u shebe ka ntle 'ngeng ea Leoatle la India mono." 'Me ke bao ba theoha, batala ba neng ba loantšana; ba robetse mealong le literechara, ba ba tlisitse ka lintho tse entsoeng ka matsoho, letsatsi pele ho moo; 'me ke bana ba etla ka morao ho livene tsena tse leshome le metso e tšeletseng, ba bina, "Lumela feela! Tsohle li lokile, lumela feela."

²⁵ U ka nahana, "Mohau o makatsang, mololi o monate, o pholositseng motho ea soto joaloka 'na." Ho tseba hobane ke qoqa le batho ba joalo, ho phela mona lefatšeng lena le ka Bosafeleng, 'moho.

²⁶ Ke nka 'ona e le monyetla o moholo, letšolong la lona, kapa mona sebokeng sa lona. Ke hlomphiloe haholo ho bua ho e 'ngoe ea likopano tsa lona hosane, motšehare ha ke nahana, 'me ho tloha ka hora ea leshome le metso e 'meli ho fihlela ka morao ho mashome a mararo, kapa ntho e kang eo, hosane. Ha Morena a ratile, ke batla ho ba mona ka Molaetsa o bonolo oa Evangeli.

²⁷ Bosiuong bona joale, ho rapella bakuli. Ha ke . . . Tlolo ea ho rapella bakuli ke e . . . Ke Moea o le mong, empa ke tlolo e fapaneng ha ke ntse ke rapella bakuli, ho fapana le tsela ena. Ha

ke eso je haesale ho qala ka meso kajeno. 'Me ke tla moahong, ke itima lijo, kea rapela. 'Me—'me ha ke batle ho rera hore ke lule tlasa tlolo e kang ea baena besō ba bareri, ho rera. Ke—ke batla ho utloa Boteng ba Morena ha ke rapella bakuli, hobane e mong le e mong eo ke tla mo rapella, bosiuong bona, ke—ke e batla joalo, ke batla hore ba fole. Ke—ke e batlela tlotliso ea Molimo, hore—hore Molimo o tla folisa bakuli. 'Me ke lumela A tla e etsa.

28 Ka hona ho etsa sena, 'me mohlomong bongata ba lona batho ha le eso kenele kōpano pele, 'me bongata ba lona ha le tsebe tšebeletso ea lentsoe. Bang ba lona le sa hopola mohla ke etsetseng koano khetlo la pele Arkansas. E ne e lepiloe, le a hopola. Ke tšoara letsoho la batho, 'me ke tšoarelle letsoho la bona mono nakoana, 'me ebe Morena o bua le ho bolela feela seo ba nang le sona. Eaba ke le bolella hore O mpoleletse, mohla A neng a kopana le 'na, ho re, “Uena, ha u ka tšepahala, e tla boela e nyoloha 'me u tla tseba lona lekunutu la lipelo tsa bona.” Ke ba bakae ba kileng ba nkutloa ke rialo pele e etsahala? [Phutheho e re, “Amen.”—Mohl.] Be, e ile ea fetela mono. Joale e eketsehile. E lula e . . . Morena ha a phetse ho hlohonolofatsa, 'me re leboha hoo feela.

29 Ka mokhoa o itseng, ha ke moreri; mang le mang o tseba seo. Ke a, ke—ke thaere ea phapanyetso feela. U sebelisa thaere ea sephere ha u na le . . . Mabili a rona ha a pancha ka letho, leha ho le joalo. Joale rona, ho etsahetse feela hore ke fihle, 'me ba mpa ba batla ho phikolosa sephere nakoana. Empa 'na—'na ke moreri oa thaere ea sephere, hoba ha ke na thuto ho ba moreri; ha ke eso kene sekolo sefe sa Bibe. Empa seo ke se tsebang ka Jesu Krete, ke rata ho e hlalosa ka tsela ea ka e nyatsehang, 'me Molimo o e hlomphele. 'Me ke a tšepa, bosiuong bona, O nthometse ho sebeletsa batho, hoo ke ho rapella bakuli, hore O tla Inetefatsa ka pel'a lona bosiuong bona, hore Molimo oo ke u ratang le oo le lona le o ratang o na le rona bosiuong bona.

30 Ha re shebeng Molaetsa o monyenyanane oa tloaelo. Haeba u sa fihlise Molaetsa ka pel'a batho, motho ha a utloisise. Ba tla tloha ba re, “Ha ke eso utloe ntho e joalo. Kea tseba ntho e joalo ha e fumanoe ka Bibeleng.”

31 Ka hona ho—ho ala sena fatše, ke—ke batla le mamele ka hloko joale, nakoana e seng kae, ka sehlooho sa tloaelo sa Molaetsa o monyenyanane, lepetjo la letšolo: *Jesu Krete Eena Maobane, Kajeno, Le Kamehla*. Joale le hopole sehlooho seo, ho re: *Jesu Krete Eena Maobane, Kajeno, Le Kamehla*.

32 'Me ke rata ho botsa sena, pele ke bala, na le nkutloa hantle? Motho o mpoleletse molumo o neeletsana, ka lebaka la siling joalo. Na ho ka ba molemo ha nka emella morao ka mokhoa ona? Na hoo? [Phutheho e re, “Che.”—Mohl.] Che. Ke tlameha atamela. Na hoo ho betere? [“E.”] Ho lokile. Ke botle. Ho lokile.

33 Joale re batla ho phetla Mangolong, ho Santa Johanne 12, le temana ea 20, le ho bala ho tsoa mona.

Joale ho ne ho e-na le Bagerike ba itseng hara ba neng ba nyolohetse ho ea rapela moketeng:

Bao ba tla ho Filipi, oa Bethsaida oa Galelea, 'me ba mo kopa, ba re, Monghali, re rata ho bona Jesu.

34 Joale eo ke potso e ntle, 'me ke takatso e kholo. 'Me joale, metsotso e latelang e mashome a mabeli kapa e mashome a mararō, ha re mameleng ka hloko joale, 'me e ke ke ea eba sephiri ho lōna.

35 Joale, ke molumeli e moholo ho seo Lentsoe la Molimo le se buang. Joale, kea tseba Molimo o ka etsa lintho tse sa ngoloang Lentsoeng. Empa ke . . . ha A ka etsa feela seo A se tšepisitseng Lentsoeng, ho tla be ho lekane ho 'na, ho 'Mona feela. Ka hona kea tseba hore e nepahetse, haeba A e ngotse Lentsoeng.

36 Joale haeba Bible e boletse ho re, “Ke Oa maobane, kajeno, le kamehla,” joale Bagerike bana ba ne ba e-na le takatso eona eo, kea kholoa, eo bohle re nang le eona mona bosiueng bona. Hoba, ha ho monna, kapa motho, ea kileng a utloa Lebitso la Jesu Kreste, haese ea lakatsang ho 'Mona.

37 Ha nka botsa letšoele lena bosiueng bona, ke kholoa letsoho ka leng le ka phahama, “Na u ka rata ho bona Jesu?” Ke seo feela, le a bona, hohle. Re a Mo rata. Be, hape ke botsa potso ena, joale hobaneng re sa khone ho 'Mona, haeba Bible e boletse hore esale Eena maobane, kajeno, le kamehla?

38 Joale ha e bolele ka mokhoa feela. Bible e boletse, “O a tšoana.” Joale ho 'na, Bible e . . . E phoso kapa E nepahetse. Joale, haeba e se Lentsoe la Molimo le bululetsoeng, joale ha ke tsebe seo nka se lumelang.

39 Nkile ka fuoa monyetla oa ho bona lintho tse ngata, libopeho tse ngata tsa borapeli, hantle koana—koana—koana Durban.

40 'Me Bombay, ke ile ka thabisoa thapama e 'ngoe tempeleng ea maJains, moo litumelo tse fapaneng tse leshome le metso e supileng tsa India, e 'ngoe le e 'ngoe ea tsona e latola Jesu Kreste, le ntho e 'ngoe le e 'ngoe . . . Ho nyakallisoa mono ke litumelo tsona tse fapaneng tse leshome le metso e supileng.

41 'Me ka bona bosiueng boo, tlas'a matla a Moea o Halalelang, kamoo Molimo o phephetsang monna e mong le e mong ea halalelang, borapeli bo bong le bo bong, le ntho eohle, ho monna oa sefoku ea emeng kalaneng. Ha ba bona temoho ea moea, ba nahana hore e ne e le thuto ea ho bala mohopolo ea mofuta o itseng. Eaba pono e hlahela monna esale a fofetse lilemo tse mashome a mabeli, morapeli oa letsatsi. 'Me ka bona pono e reng o tla fola. Eaba ke phephetsa moprista e mong le e mong oa Mohammedane, moprista e mong le e mong oa Budda, monna e mong le e mong ea halalelang, Raja, bohle, ho re, “Mang le mang

ea ka tlang mona a buseletsa monna enoa pono ea hae, ke tla rapela molimo o mo busetsang pono ea hae. 'Me o itse o tla etsa joalo." O ne a khumamela letsatsi.

⁴² 'Me ka re, "Eng, u ka etsa 'ng? Lona Mohammede le ka etsa 'ng ka eena? U ka re, 'O rapetse e—e popo sebakeng sa 'Mopi.'" Ka re, "Nka re 'amen' tabeng eo. Empa hape eka khona ho be le motho ea lokileng le ea phoso." Ke itse, "U ka etsa 'ng? U ne u tla mo etsa Mohammedane. Buddha o tla etsa morapeli oa Buddha, le joalo-joalo." Ke itse, "U ka etsa 'ng? U ne o tla fetola mohopolo oa hae feela. U ne u tla fetola feela tsela eo a nahanang ka eona."

⁴³ Ke itse, "Re fumana ntho e tsoanang United States. Bamedithise bohle ba batla Mabaptise e be Methodist. 'Me joale Presbeteriene e batla hore bohle e be Mapresbeteriene. 'Me—'me Bonngoe bo batla hore ba fetohle Bobeli. 'Me bobeli bo batla hore ba fetohle. . . Oh, khili! Ke eng? Ke ho fetola kelello. Ntho ea 'nete e loketse ebe teng kae-kae. Le a bona, ntho e 'ngoe e loketse ho loka, 'me ho na le ho phoso."

⁴⁴ Ke itse, "Joale Molimo oa pōpo a ke a tsosolose pono ea hae, kapele mona ho batho ba halofo ea milione. 'Me o itse, molimo o tla mo buseletsa pono ea hae, o tla mo sebetsa." 'Me ka re, "Ke tla ba morutuoa oa monna ea tlang 'me a mo buseletsa pono ea hae."

⁴⁵ E ne e le likete tse makholo a mahlano tse khutsitseng ka ho fetisisa tseo u kileng oa li utloa. Ha ho motho. Nka be ke sa etsa phephetso eo hoja ke sa bona pono. Joale, lipaki tsa taba eo li ne li le likete tse makholo a mahlano.

⁴⁶ 'Me ka re, "Hobaneng u sa tle? Hobane u ke ke oa khona." 'Me ka re, "Lona, lona Mahammede, le itseka borapeli ba Mohammede bo le boholo ka ho fetisisa sechabeng," 'me ka re, "etsoe ho ka ba joalo, ka lipalo; le Buddha, le joalo-joalo. Empa ruri moprista o teng ea ka tsebang ho tla amohela qholotso ena." Ha ho motho ea kileng a etsa.

⁴⁷ Ka re, "Lebaka leo u sa khoneng, ke hobane u sa khone. 'Me le 'na nke ke ka khona. Empa Molimo oa Leholimo, o tsositse Jesu Kreste, eo ke leng paki ea Hae bosiueng bona, hore ke bone pono e reng monna o tla buseletsoa pono ea hae. Haeba a sa e etse, ke tla be ke le moporofeta oa bohata, 'me u ka nteleka naheng ea heno. Empa haeba A e etsa, joale o tlamehile, ka pela baprista ba hau le ntho e 'ngoe le e 'ngoe, ho paka hore ruri Ke Mora Molimo, le Mopholosi oa lefatše." Motho e mong le e mong o ne a khutsitse.

⁴⁸ Ho tlisa monna oa sefofu; ho mo haka ka liphaka tsa ka. Ka re, "Morena Jesu, ho latela pono e ke keng ea hloleha, ke U rapela ho buseletsa monna eo pono ea hae." 'Me a qala a hooeletsa. 'Me ramotse a lutse mono, 'me a matha a mo phamola. A khona ho bona hantle kamoo nka khonang.

⁴⁹ Eaba ba hlophisa makhotla a ka bang, oh, makholo a masole, a sa khone ho thibela batho. Ba matha holim'a masole, ba matha

ba kena tlas'a meomo ea bona le melangoana, ba ntse ba leka ho khutlisetsa matšoele morao. Ha ke fihla koloing ke tsoa, ke ne ke batla ke sa apara liaparo, ke sa roala lieta maotong, ho rutla lieta, le ho rutla jase le ntho e 'ngoe le e 'ngoe, ho lapela le ho nyoreloa Molimo.

⁵⁰ Empa Molimo oa Elia o sa phela le kajeno, 'me Ke Molimo hakaalo ka ha A entse le ka mohla.

⁵¹ Joale bathei bohle ba borapeli. Mono lebitleng la Mohammede ho eme, esale e le pere e tšoeu, esale e eme mono lilemo tse likete tse peli. Ba fetotse balebeli lihora tse ling le tse ling tse 'ne kapa tse tšeletseng, 'me ba shebeletse Mohammede ho tsoha le—le ho kalla ho theoha le lefatše. Le a tseba, e . . . 'me o ngotse buka ea Korane, le joalo-joalo. Empa, oh, Buddha, lilemo tse ka bang makholo a mashome a mabeli a metso e meraro tse fetileng, e ne e le e—e monna, monna oa morapeli koana—koana Japane, le joalo-joalo. 'Me litumelo tsona tsohle, e mong le e mong oa bathei ba tsona o shoele 'me o lebitleng.

⁵² Empa Bokreste, ka mora boiphihlelo ba lefatše bophara, Bokreste ke bona feela borapeli ba 'nete. Ke bona feela bo ka bontšang lebitla le se nang letho. Ke bona feela boo mothei oa bona, motho ofe feela, 'me ha ho se motho ea tšoanang le Eena, ea kileng a ema lefatšeng 'me a re, “Ke na le matla a ho nka bophelo ba Ka le ho bo nyolla hape. Ho se ho se hokae 'me lefatše ha le sa tla Mpona, empa lona le tla Mpona. Mosalumele ha a sa tla Mpona, leha ho le joalo lona le tla Mpona. Hobane 'Na,” Ke leemeli la botho, “Ke tla ba le lona, le ka ho lona, ho isa bofelong ba lefatše, ho isa qetellong.” Jesu Krete maobane, kajeno, le kamehla!

⁵³ Joale re fihla mohopolong. Joale haeba A tšoana, ha A shoa. O tsohile bafung, 'me O tšepisitse balumeli ba Hae ba tla 'Mona, ho fihlela qetellong. Ho fihla pheletsong, ba tla 'Mona, joale, haeba E le oa maobane, kajeno, le kamehla.

⁵⁴ Banna ba bangata bao ke buileng le bona, ba itse, “Be, ka mokhoa o itseng O a tšoana.”

Bibele ha e a re, “ka mokhoa.” E itse, “E sa le Eèna.”

⁵⁵ 'Me haeba re lapela ho 'Mona, ka cheseho e tšoanang le ea ba-Gerike bana. Ba ne ba utloile ka Eena, ba tla 'me ba 'Mone, ka baka la mosa oa e mong oa barutuoana ba Hae. Be, na re ke ke ra etsa joalo, haeba E le oa maobane, kajeno, le kamehla? “Benghali, re rata ho bona Jesu.”

⁵⁶ Joale, re ka bua ka tsoho, re ka bua ka eona. Empa haeba e se bonnete, e fetoha feela e—e khopolotaba, ke pale. Empa haeba e pakiloe le 'Nete, joale re hara batho ba thabileng ka ho fetisa, 'me ke thabetse ho ba 'moho le bona.

57 Joale, haeba—haeba Jesu Kreste a ka hlaha ka pel'a rōna, bosiuung bona, 'me re ka bona ka melao e abiloeng se-Molimo, le ka tsona liketso tsa Boleng ba Hae, hore O teng mona, bonnyane re tlameha ho Mo amohela, ho Mo ananela. Joale, eo ke polelo e kholo, empa re na le Molimo o moholo o bolokang Mantsoe a Hae kaofela.

58 'Me ha re fumana ntho efe ka Bibeleng, fèha moea oa hau holim'a eona. Ke 'Nete. Lula hantle feela le seo Molimo o se tšepisitseng, Molimo o tla se etsa.

59 Haeba re le bana ba Abrahama, re lumela lintho tseo. Abrahama, khahlano le maemo a maholo, o bitsitse lintho tse neng li le sieo, eka hoja li ne li le teng, hobane o lumetse Molimo a ka boloka lentsoe la Hae. 'Me re ipitsa bana ba Abrahama. Abrahama o emetse pallo lilemo tse mashome a mabeli a metso e mehlang. Sebakeng sa ho fokola, a 'na a ipha matla. 'Me e bonahala e fapane hakakang kajeno le Peō ea Hae ea borena.

60 Joale, peō ea makhontho ea Abrahama e—e ne e le Isaaka, re elelloa seo, e tlileng e le Mojuda, kantle.

61 Empa Peo eo Molimo a neng a e nea tšepiso, e ne e le Peo ea Abrahama, tumelo eo a neng a ena le eona ho Molimo. Etsoe, ka Jesu Kreste, E leng Lentsoe la Hae, re fetoha majalefa le Eēna. 'Me kereke ena, bosiuung bona, ea bafeti ba letsatsi lena, ke Peō ea borena ea Abrahama ka botlalo, ka tumelo ea makhontho.

62 Joale, ha nka botsa Mamethodise, “Na le a e lumela?” “E.” “Na le a lumela O na le lona?” “E.” Baptise, Presbeteriene, Lutherane, Pentekosta, joalo-joalo, mang le mang a ka bua ka ho tšoana.

63 Empa joale re ka Mo batla joang? Re ne re tla batla motho oa mofuta ofe, haeba re batla ho bona haeba A ne a tšoana? Hola A ne a le Arkansas mona, bosiuung bona, ka tabernakeleng ena, re ka batla motho oa mofuta ofe?

64 Rōna, re ne re tla batla motho eo, be, mohlomong ea apereng kobo e telele, litelu li leketlile sefahlehong, le mehoabali ea lithakhisa letsohong la hae, le metopa nthong ea hae—phatleng ea hae? Haeba u ka batla motho ea joalo, moikaketsi ofe a ka u thetsa tabeng eo. Ke hantle, boiketsiso. Monna a ka taka mabali matsohong a hae, a ka ithaba ka meutloa a iketsa mehoabali, empa moikaketsi ofe a ka etsa hoo.

65 Empa haeba re sa lebella monna oa mofuta oo, e seng mose oa hae kapa seemo sa hae. Hobane, hola A le teng mona, O ne a tla apara joaloka rona. Ho ne ho se na phapang ea letho. O ne a apara le ho tsamaea har'a batho joaloka motho ofe. Ha A eso apare joaloka tšebeletso ea boruti ea letsatsi leo. O ne a apara moaparo o tlase oa seterata. Ka baka leo O ne a apara ka mokhoa oa tloaelo, mohlomong a apere sutu, le joalo-joalo, joaloka ha monna ofe feela kajeno a ka apara. Joaloka monna ea sebetsang, kapa e—e borakhoebo, kapa eng hape, A ka be a apere joalo. Ka

hona ha u Mo tsebe ka tsela eo le ka mohla. U ke ke ua Mo tseba ka seemo, haeba A le molelele, a le mosesane, a le mokhutšoane, a le litho; kapa, rona, ha re tsebe, kahoo le ne le ke ke la tseba le ka mohla.

⁶⁶ Empa ke bolela seo A tlang ho ba sona, hola A ne a le mona kajeno, E ne e tla ba Lentsoe la Molimo. Ke hantle seo A neng a le sona, 'me O sa ntse a le sona. Ke Lentsoe, e seng Lentsoe le ngoliloeng feela (Ke Lentsoe le ngoliloeng), empa ponahatso ea Lentsoe le ngoliloeng. “Molimo o no o le ka ho Kreste, o khutlisetsa lefatše ho Oona.” Molimo, Lentsoe, le bonahetse nameng, hore Mantsoe a Hae a tle a boleloe ka melomo ea motho le ho fetoha Lentsoe. 'Me O bonahetse nameng, eo e ne e le Jesu Kreste, Molimo, Emmanuele.

Joale u re, “Na Ke Lentsoe?”

⁶⁷ Santa Johanne, khaolo ea 1, e re bolella, “Lentsoe le ne le le tshimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna.”

⁶⁸ Tse ling tsa lintho tseo A neng a tla li etsa ke life? Rea fumana, ho Baheberu, khaolo ea 4 le temana ea 12, Bibe e boletse hore, “Lentsoe la Molimo le bohale ho feta sabole e leolitsoeng ka nqa tse peli, 'me Ke mosenoli oa mehopolo ea pelō.” Lentsoe le joalo. Ka baka leo Lentsoe ke mosenoli oa mehopolo le oa merero ea pelō. Hoo ho tla taka Jesu, ka nepo, e le Lentsoe. O tsebile mehopolo e pelong tsa bona. Baheberu 4:12.

⁶⁹ Joale haeba re ne re batlile ho Mo tsebahatsa, na re ka Mo lebella ho ba Ngaka e itseng ea Khalalelo? Ha ho rekoto e tlahang A kene sekolo le ka mohla.

⁷⁰ Na re ka Mo amahanya le mokhatlo ofe oa bolumeli? O fihlile mehleng ea liphutheho tse ngata tsa bolumeli, empa ha A ka a Ikhomahanya le efe ea tsona. Kahoo Eena . . . Re ne re ke ke ra re E ne e le Mofarisi, kapa Mosadusi, kapa joalo—joalo—joalo. Ha rea khona ho Mo amahanya le bolumeli bofe bo ikhethang.

⁷¹ O tletse batho. Molimo, e leng Molimo oa tsohle, Ke Molimo oa pōpo eohle. O shoetse ho pholosa baetsalibe kerekeng e 'ngoe le e 'ngoe, ho—ho folisa motho e mong le e mong ea kulang. O tlile ho amohela ba tlang ho Mo amohela.

⁷² O mona ka ho tšoanang bosiuang bona, ho folisa ba Mo amohelang, ho pholosa ba tla Mo amohela. O tla ka sebopelo se tšoanang, ka tsela e tšoanang.

⁷³ Haeba A fihla, O tla tlameha ho tla ka boitsebiso ba Mangolo. Haeba A sa Itsebahatsa . . . Ha ho moo re se fumaneng ka Bibeleng, ka Testamenteng ea Khale, empa O Itšupile ka nepahalo le Lengolo, hoo A bileng a re, “Ke mang, ke mang ho lona ea ka Nqosang ka sebe?”

74 Joale, bohle re tseba *sebe* e le, “ho se lumele.” “Ea sa lumeleng o se a ahlotsoe.” Joale, sebe ke tholoana ea ho se lumele. Ho tsuba lisakrete ha se sebe. Ho utsoa ha se sebe. Ho bua leshano ha se sebe. Ho feba ha se sebe.

“Ke eng ke hona?” u ka rialo.

75 Ke litholoana tsa ho se lumele. Holane u le molumeli, u ka be u sa etse lintho tseo. Lebaka leo u e etsang, ho paka hore u mosalumele. Le a bona? Mekhahlelo e 'meli feela, ke hore, u molumeli kapa ha u molumeli.

76 Le kamoo, e ntharile kamehla, hore motho a ka ipolela a ruile Moea o Halalelang ka ho eena, le ho latola hore Lentsoe la Molimo e le 'nete. Athe, Moea o Halalelang ka Seqo o ngotse Lentsoe la Molimo. 'Me le a tseba A ke ke a Ipitsa ea phoso. Ka hona O ngotse Mangolo, 'me O ema le Mangolo, 'me Molimo o a A lisa, ho A tiisa.

77 Ka hona ha re khutleng re fumane seo A neng a le sona, haeba re batla ho tseba haeba A sa tsoana le kajeno. Mokhoa oa ho fumana ka 'nete, ke ho fumana seo A leng sona kajeno, ke ho khutla le ho fumana seo A neng a le sona maobane, ke moo re tsebang seo A tla ba sona kajeno. Na e ntle hakaalo? [Phutheho e re, “Amen.”—Mohl.] Ha re ka fumana seo A neng a le sona maobane!

78 Hobane, re ka qala morao ka pale e telele. Ha ke batle ho le tsoarella halelele, hobane le tlameha ho tla mona hosane, 'me re batla ho rala mola oa thapelo, empa ke batla hore le nke sena ruri joale 'me le mamele ka hloko. Hola re ka khutla ra fumana seo A neng a le sona maobane, re ka fumana seo A leng sona kajeno, hobane Bible e itse, “E sa le Eena maobane, kajeno, le kamehla.”

79 Lebaka leo ke neng ke phetla maqephe ao, ke ho fumana morao mona ho . . . Ke a qala 'me ka bala Santa Johanne 12:20, ha re tsoelleng ho Santa Johanne. Re ka e nka hohle Mangolong moo le batlang, hobane Buka eohle ke bopaki ba Jesu Kreste. Ke tšenolo e tletseng ea Jesu Kreste. Ha ho letho le ka ekeletsoang ho Eona kapa la tlosoa ho Eona. Ke seo A leng sona. Ke Emmanuele, 'me hoo—hoo ho a e batalatsa; ho sa tsotelehe seo re lekang ho Mo etsa sona, ntho e 'ngoe esele, kapa moporofeta, kapa—kapa ntho e kang eo. E ne e le moporofeta; E ne e le ea fetisang le moporofeta. Ke Molimo—moporofeta. Empa O ne a—O ne a fetisa moo. E ne e le Emmanuele; e seng monna ea lokileng feela, moruti, mofilosofe. E ne e le hoo hohle, kopanya, le hoo hape. Le a bona?

80 Joale ho Santa Johanne, ea 1, re tla qala bosiuong bona, 'me mohlomong hosane ho e nka nakoana, Buka e itseng. Ha re qaleng ho Santa Johanne 1. Re fumana . . . Bohle re tseba tsoalo ea Hae ea moroetsana, kamoo Molimo o ileng oa khurumetsa moroetsana, 'me oa bopa sele ea Mali e hlaisitseng Mora, Kreste Jesu. 'Me lebopong la Jordane, mohla Molimo o theohang ka

sebopeho sa Leseli, kapa leeba, ho se mang ea boneng hoo haese Johanne. Batho bao bohle ba emeng haufi, ha ba ka ba Le bona. Ha ho motho ea Le boneng haese Johanne. E ne e le eena feela ea Le lebeleletseng, ka hona Molimo o ne a 'moleletse hore o tla Le bona.

⁸¹ U mpa u bona feela seo u se batlang. Ha u tla mona bosiuang bona u batlana le Kreste, u tla 'Mona. Ha u tlela ho nyatsa, u tla fumana tse ngata, tse ngata letsohong la hau ho nyatsa. Ho itšetlehile holima seo u se batlang.

⁸² Johanne o itse, "Ea mpoleletseng lefeelleng ho ea kolobetsa ka metsi, o boletse holim'a eo ke 'tla bona Moea o theohela o lula teng, Ke Eena ea tla kolobetsa ka Moea o Halalelang le Mollo.'" Johanne o pakile, ho re, "Ke bone Moea oa Molimo o theoha Leholimong, o ka leeba, 'me Oa theohela holim'a Hae." 'Me eaba O khanneloa lefeelleng, le molekong. Ho tsoa feelleng, 'me hang, rea fumana, ho rapella bakuli.

⁸³ Joale, u a bona, ntho ea pele, Moea oa Molimo o theohela holim'a Hae pele ho tšebeletso ea Hae, ke ka lebaka leo A neng a ka re, "Ha se 'Na ea etsang mesebetsi, ke Ntate ea ahileng ka ho 'Na. O etsa mesebetsi." Joale re fumana tšebetso ea Hae e qalile, e qala e folisa bakuli, ka—ka thapelo.

⁸⁴ Joale Molimo o folisa ka litsela tse ngata. Ngaka e mpotsitse, haufinyane, ea re, "Monahano oa hau ke ofe ka meriana, Moena Branham?"

⁸⁵ Ka re, "Be, ke Molimo o inotši o ka folisang, monghali." Ka re, "Bibele ha e bue leshano, 'me Bibele e itse, 'Ke 'na Morena, ea folisang maloetse a lona kaofela.'" 'Me ka re, "Bibele e ke ke ea bua leshano." Ka re, "Molimo o folisa ka moriana. Molimo o folisa ka lerato. Molimo o folisa ka kutloisiso. Molimo o folisa ka tlhokomelo. Molimo o folisa ka thapelo. Molimo o folisa ka mehlolo. Ntho eohle, Molimo o a folisa. Ke phetho, sohle se leng teng, Ke mofolisi."

⁸⁶ Ha re na moriana o ka bopang, le ho bopa sele letsohong la hau, ho folisa; ho bopa 'meleng oa hau, ho folisa. Re ka ntša leino, re ka poma lelana, kapa ra ntša senya sa nyooko, empa ke mang ea folisitseng? Molimo. Ha ho moriana o tla haha lisele, ke Molimo feela. Bophelo bo haha lisele. Molimo ke eena feela mofolisi, 'me re ne re bua ka seo.

⁸⁷ 'Me joale rea fumana, hore Jesu o ile hohle a folisa bakuli. 'Me e mong oa barutuoa ba Hae, ea bitsoang Andrease a le teng.

⁸⁸ 'Me ke batla ho e taka ka terama kaha bana ba lutse mona, 'me ngoanana ea kulang ea robetseng tlase mono. Ke batla hore a e tšoare.

⁸⁹ Le a tseba, Andrease e ne e le moena oa Simone, hamorao a reoa Petrose. 'Me Andrease a fetoha e—e molateli oa Johanne. 'Me Johanne o tsebisitse Messia ea tlang, 'me a khotsoe hoba e

tla hlaha molokong oa hae. Lebaka leo a sa kenang sekolo kapa seminare. Mosebetsi oa hae o ne o le bohlokoa haholo.

⁹⁰ Hobaneng, ua tseba, holane moprista a utloisisa hoba o ne a tla phatlalatsa tsoalo. . . kapa Messia ea tlang, le ho Mo tsebisa lefatšeng, khele, ba ka be ba itse, “Joale, joale, Ngaka John, na ha u hopole joalo Moena *Sekete-kete* mona, na ha u nahane a lokeloa ke ho ba Messia? Khele, mo shebe, o—o—o motheo oa hae o motle. U a tseba u a e tseba, eo ke Messia. Hobaneng u sa ee ho bolella lefatše?”

⁹¹ Empa, ua bona, mosebetsi oa hae o ne o le bohlokoa haholo ho qophelloa ke motho. A kena lefeelleng 'me a ema seminareng ea thuto ea Molimo, ho fihlela Molimo o 'molella, “Eo u tla bona Moea o theohela holim'a Hae, ke Eena ea tla tumisoa, e le Messia.” Le a bona?

⁹² Joale re fumana Andrease a e lumetse, ntle le pelaelo o khutlile a bolella Simone ka eona, hangata. Empa Simone, a batla a le hlooho e thata, joaleka ha re. . . Tšoareleng tlhahiso eo; ke tšepa e sa utloahale e thunthetsa borapeli. Empa eena, a batla a le hlooho e thata, kamoo re ka e bitsang kajeno, “Oh, tsoelapele, ha u batla ho mamela seo.” 'Me ka tsatsi le leng a tla 'me a 'molella hore o fumane Messia, 'me a thatafalloa ke ho lumela seo.

⁹³ 'Me ke bona Andrease a fihlisa Simone joale ka pel'a Morena Jesu. Khetlo la pele a kileng a 'Mona. Jesu o na sa tsoa khutla lefeelleng. Bosebeletsi ba Hae bo ne bo qala, joale O ne a tlameha ho etsoa setlama. 'Me hang hoba Simone a kene ka pel'a Sefahleho sa Morena Jesu, Jesu a mo talima a re, “Lebitso la hau u Simone, 'me u mora oa Jona.”

⁹⁴ Joale hang re fumana hore Simone o lumetse. Mohlang oo o ne a bitsoa Petrose. Hobaneng a e lumetse?

⁹⁵ Ke balile pale ea ntata'e, Jonase, e ne e le monna e moholo oa—oa thapelō. A ile a holisa bashanyana ba hae ho—ho lumela Molimo. 'Me letsatsi ka leng mosebetsi oa bona e le ho tsoasa lihlahapi, hangata ba ne ba lokela ho khumama ka mangole 'me ba rapele Molimo ho ba fa lihlahapi tse ngata ba tle ba lefe melato ea bona 'me ba fumane bohobe ba letsatsi leo.

⁹⁶ 'Me le pele a eshoa, thaka leo la khale la lula holim'a moralo oa sekepe sa hae tsatsi le leng, eaba o bolella bashanyana, a re, “Bara, re Baheberu, 'me re lumela hore Messia o a tla. 'Me esale ke tšepile ho phelela ho bona letsatsi leo Messia a behang maoto a Hae holim'a lefatše. 'Me ke. . . empa kea kholoa nke ke ka e phelela, hobane ke tsofetse joale 'me ke tšoanela ho tsamaea. Empa, bashanyana, Satane a ke ke a lumella Messia eo ho hlaha a sa hlhahisa bomessia ba bohata ba bangata pele. Ka hona ke batla lōna bashanyana le hopole, le se makale ka—ka lintho tse ngata tse tla hlaha. Empa ke batla lōna bashanyana le rupelloe. Hopolang, hore re tšoere sena: Messia, mohla A tlang, O tla

tlameha ho tsebahatsoa ke Molimo ho latela Mangolo, pele E eba Messia.” Re hloka bo-ntate ba bangata ba joalo kajeno!

⁹⁷ “O tla lokela e be Messia ho ea ka Mangolo. ’Me joale re latetse Moshe, moporofeta e moholo ea ntšitseng batho ba heso Egepete, ’me re mametse thuto ea hae. ’Me re—rea tseba hoba—hoba Moshe o ne a nepile. ’Me ho Deutronoma, khaolo ea 18, Moshe o re boletse ho re, ‘Messia; Morena Molimo oa lōna o tla hlahisa moporofeta ea joaloka ’na, ’me ba tšoanela ho Mo utloa.’”

⁹⁸ Joale, kamehla Iseraele e ne e rutiloe ho lumela baporofeta feela. Lona baruti ba Bibeletse le tseba seo. ’Me moporofeta a ka tsebahatsoa feela, moporofeta, mohlala a ne a porofeta ’me seo a se boletseng se etsahetse. Bibeletse e boletse, “E mong hara lona, e leng motho oa moea kapa moporofeta, ’Na Morena ke tla bua le eena, ho Itsebisa eena, ka lipono le litoro. ’Me seo a se buang se a etsahala, le mo utloa. Empa haeba e sa etsahale, le se ke la mo tšaba.” Eona ntho eo, ke seo A se boletseng Moshe ho bolella batho, ’me hoo e ne e le boitsebiso ba bona ba Lengolo hore Messia e ne e tla ba moporofeta.

⁹⁹ Joale mang le mang o a tseba Lentsoe la Morena le tlela moporofeta; e seng ho moprista, empa ho moporofeta. Bibeletse e itsalo. Lentsoe la Morena le tlele ho moporofeta. ’Me rea tseba, haeba e le Lentsoe la Morena, ’me moporofeta e le oa ’nete, mantsoe a hae ke ’nete, ebe moo mantsoe a hae a hlahang. ’Me ke tsona litšoanelo tsa hae, tseo, pele, ke Lentsoe. ’Me, pele, Molimo ke Lentsoe. ’Me haeba a bua lentsoe, ’me e etsahala, hoo ho supa Molimo o behile monna eo ka Khalalelo.

¹⁰⁰ Joale ka seo mohopolong, ekaba ba fehlile mefuta eohle ea maikutlo le ntho e ’ngoe le e ’ngoe lefatšeng, baithuti bao ba Bibeletse ba ka be ba sa e lumela, hobane Messia e ne e loketse ho ba moporofeta. ’Me ba hlokile moporofeta lilemo tse makholo a mane. Malakia e ne e le moporofeta oa ho qetela. Ha ho moporofeta.

¹⁰¹ ’Me Simone ke enoa a fihla, ka thuto e kang eo, ka pel’a sefahleho sa Monna eo moena oa hae a mo lumetseng a tilele hoba E ne e le Messia. ’Me hang ha a kena ka pel’a Sefahleho sa Hae, ha A tseba feela hoba e ne e le mang, O tsebile leqheku leo la morapeli, Jonase. Ha ho makatse ha e mo ntšitse setache. O tsebile hore hoo e ne e le boitsebiso ba ’nete ba Messia. “Lebitso la hau, u Simone, u mora Jonase.”

¹⁰² ’Me monna ea sa balang a sa khone le ho saena lebitso la hae, ha re bolelloa; Bibeletse e boletse, Bukeng ea Liketso tsa baapostola, khaolo ea 3, ho re, “o ne a sa bala a sa ruteha.” Empa ho khahlile Molimo ho mo etsa hlooho ea kereke Jerusalema, le ho mo fa linotlolo tsa ’Muso. Hoba, ha peo eo e reriloeng pele e robetse mono ka ho motšoasi eo oa khale oa lihlapu, ’me ha Leseli le e otlala, ka potlako ea elelloa hoba eo e ne e le Messia.

103 Joale taba eo e kholisitse mono, hore monna eo o e tsebile, e kholisitse hoba peō eo esale e robetse mono. Lebitso la hae le ne le le Bukeng ea Bophelo ea Konyana haesale lefatše theoa, mohla Konyana e ne e hlajoa mohopolong oa Molimo ka Sebele. 'Me hang ha Leseli le e otlā, ka potlako ea phela 'me ea elelloa hore ke Messia.

104 E mong a eme mono ka lebitso la Filipi, 'me o bone sena, ea fihlela mohopolo oa hae kapele. "Ruri ke Eena, hoba ke tseba Mangolo. Monna eo a eso bone monna eo pele, 'me A ka tseba joang hoba e ne e le mang? Ke Moporofeta eo."

105 O ile a tsoa a sala motsoalle esale a bala Bibe le eena morao, ho tloha boshanyaneng. Lebitso la hae e le Nathanaele. Ke limaele tse leshome le metso e mehlano ho tloha moo ba neng ba rera teng, ho potoloha thaba, ho fihla moo Nathanaele a neng a ruile mohloaare. Ekare ke bona Filipi tseleng ea hae, a tlolaka a hooeletsā. A fumane ntho ea sebele.

106 Oh, kamoo Le tlamehang ho qala lipelo tsa rona, ho pota maralla, ho parola le makhulo, ho theosa le masimo, ho theosa ka phachisi, ho haola le seterata, ho haola le sechaba, nqa e 'ngoe.

107 A fumana ntho e 'ngoe. 'Me a ena le motsoalle. Lithupello tsa Bibe le pele, li ne li pakile hore Messia enoa oa Mangolo e tla ba Moporofeta. Ho se baporofeta ka lilemo tse makholo a mane.

108 Eitseha a kena sebakeng, o fumana Nathanaele tlasa sefate, a rapela. 'Me mohlomong a ema nakoana feela, ho leta, joaloka monna oa Mokreste, ho ema ho fihlela a qeta thapelo ea hae. 'Me hoba a tsohe, mohlomong a hlohlora lerole la kobo ea hae, ekaba Filipi a potlaka ho re, "Nathanaele!"

'Me a tla, a re, "Filipi, mosebetsi-'moho le 'na, ke thabela ho u bona!"

109 'Me mohlomong moqoqo e ne e le ntho e kang ena. Le a bona, o ne a se na nako ea ho re, "Mehloare e-ea joang?" Kapa, "Mosali le ngoana ba joang?" Le a bona, molaetsa o ne o potlakile. O ne a bone ho hong. O ne a bone Lengolo le tsebahatsoa, Messia, 'me esale ba shebeletse lilemo le lilemo le lilemo. A re, "Tloo, u bone Eo re mo fumaneng! Jesu oa Nazaretha, mora oa Josefa, tloo, u 'Mone!" Molaetsa o ne o potlakile.

110 Ke a le bolella, baena, ha re ka fumana mafolofolo a mofuta oo, hore Molaetsa oa rona o potlakile haholo. Ha re na nako ea bosaoana. Ha re tlisetseng batho Molaetsa, batho ba hutseng ka thata lihlorisong, ke bana ba bo-ntat'a rōna ba neng ba eme literateng, ka a—ba tšoere moropa matsohong a bona, 'me ba ja koro ba thonakileng seporong sa terene, ho tšehetsa 'Mila ona, Evangeli ena. 'Me joale ho bona Kreste har'a rōna, ha re finyelleng lefatšeng ka Eona, ka potlako eo re ka e khonang, le ho mo fihlela.

Ho re, "Tloo, u bone Eo re mo fumaneng."

¹¹¹ Joale re fumana hore Nathanaele e ne e le moithuti oa thutabomolimo, 'me kea kholoa a re ho Filipi, "Joale ema motsotso feela, Filipi, kelello ea hau e a makatsa e khelohetse hole hakae?" Le a tseba, puo eo e sa ntse e likoloha kajeno, le a bona. "U khelohetse kae ka kelello ea hau?" Lintlha tse lokotsehang nqa e 'ngoe, u a tseba. "Ke—ke u tseba u le monna kelello, ea hlaphohetsoeng, 'me ke mona u tla o matha 'me o mpoella hore Messia o teng lefatšeng?"

¹¹² O tlamehile a be a buile le setsebi se bohlae. Le a tseba, eabohlale o ne a le holimo Babilona. E ne e le Bajuda holimo mono ba ithuta linaleli. 'Me eitseha ba bona linaleli tse tharo tseo li kolohana, e ne e le pontšo, pontšo ea khale ea Baheberu, mohla linaleli tse tharo tseo li ne li kolohana, Messia o ne a le lefatšeng. Ba fihla, ba hooeletsa, "O kae, ea tsoetsoeng Morena oa Bajuda? Re bone Naleli ea Hae 'me re tllile ho Mo khumamela."

¹¹³ Empa, Filipi, enoa . . . Ba ne ba se na mechoporo e fapaneng e kang thelebishene, radio le koranta, le lintho matsatsing ao, 'me ba ne ba sa tlo phatlalatsa ntho e kang eo le hona. Ka hona ntho ea pele rea tseba, re fumana Filipi le Nathanaele ba bua, "Be," a re, "tloo."

¹¹⁴ A re, "Sheba, na ntho e molemo e ka tsoa sehlopheng sa mohalaleli- . . ." kapa u ntšoarele, "sehlopha sa batho ba joalo, se tsoang Nazaretha?"

¹¹⁵ Be, na le tseba seo ke se nahanang? Filipi o mo arabile ka karabo e ntle ka ho fetisisa eo motho a ka e fang motho. Ha a ka a leka ho e hlalosa. Ha a ka a leka ho kena ho likateng tsa eona. A mpa a re, "Tloo u bone. Tloo, u iponele. Sunya lengolo leo tlasa sephaka sa hau, la Deutronoma 18, u tle u ntatele 'me re tla fumana."

¹¹⁶ Ha re qhautseng moqoqo oa bona ha ba ntse ba tsamaea. Le a bona, ba ne ba loketse ho fihla mono, tsatsi le le leng, 'me ba khutle ka le hlahlamang, limaele tse leshome le metso e mehlano. Ka baka leo tseleng, ho potoloha, ke utloa Filipi a re, "Joale sheba, Nathanaele, re fetile lithuto tse ngata tsa Bibe, re hlile re lumela Messia e tla ba Molimo-Moporofeta, hoba Moshe o itsalo. 'Me re latetse Moshe, 'me re ne re tlamehile ho mo latela ho fihlela Moporofeta enoa a fihla. 'Me mohla Moporofeta enoa a fihlang temeng, O tla re bolella tsela ea bophelo, ho tloha mohlantso. 'Me haeba . . . U a tseba, ea sa lumeleng ho Eèna o tla khaoloa bathong, haeba re sa lumele ho Eèna."

"Be, u tseba joang hoba thaka lena ke Moporofeta?"

¹¹⁷ Ho re, "Na u sa hopola ralihlapi eo oa khale tlase mono, eo u rekileng hlapi eo ka letsatsi leo, ho eèna, 'me a se na thuto e lekaneng ho tekena lebitso la hae rasing?"

"Yaa, kea mo hopola. Oh, lebitso la hae e ne e le Simone. E."

118 “Moena oa hae, Andrease, esale a etela kopano ea Johanne. ’Me eitseha a bona tsebiso, ’me a utloa tsebiso ea Johanne, e reng, ‘Enoa e ne e le Messia.’ ’Me, Johanne, re a tseba e ne e le moporofeta, ka hona a ke ke a bua letho le phoso. A tsebisa, ‘Eo ke Messia,’ ’me ka hona a re o bone pontšo holim’a Hae. ’Me maobane o tlisitse ngoanabo. ’Me hang hoba a fihle ka pela Sefahleho sa Hae, A re, ‘Lebitso la hau u Simone,’ ’me u mora oa Jonase.’ Khele, ho ke ke ha makatsa haeba A sa mpoelle na u mang, ha u fihla mono,” o ne a tla rialo.

119 “Oh,” a re, “joale bea butle motsotso, bea butle motsotso! Ke tlameha ho iponela eona. Ke—ke—ke tlameha ho e bona.”

120 Ka hona re fumana mona, tsatsi le hlahlamang, se etsahalang. Ba fihlile, matšoele a maholo a batho a eme. Mohlomong Jesu o ne a bua. Mohlomong ba ne ba lutse, bongata ba bona, mohlomong ba ne ba eme; ha ke tsebe. Empa, leha ho le joalo, Filippi a nyoloha, ’me a tlisa Nathanaele, ’me eitse ha Jesu a reteloha ’me a mo sheba, A re, “Bonang Moiserale, Moiserale oa sebele, eo ho seng mano ho eena.”

121 Khele, ea makatsa monna eo! A re, “Rabbi, joang, U tsebile letho joang ka ’na? Ha ke—ke—ke—ke U tsebe. ’Me ha U eso mpona, ’me ha ke eso U bone. Joang, U ka tseba letho joang ka ’na?”

122 A re, “Be, le pele Filipi a u bitsa, u ne u le tlasa sefate. Ke u bone.” Oh, khili, mahlo a makakang! Letsatsi pele ho moo, le limele tse leshome le metso e mehlang ho potoloha thaba, “Le pele Filipi a u bitsa, u sa le tlas’a sefate, Ke u bone.”

123 Moithuti enoa oa morutehi e ne e le eng, mora oa Molimo, ho ba eena, o ithuta eng? A ithuta hoba boo e ne e le boitsebiso ba Messia. O ile a etsa’ng? Ntle le pelaelo a qamaka ’me a bona moprista oa hae, le ba bang bohle, ba eme. A mathela maotong a Hae, a itihela fatše, a re, “Rabbi, U Mora Molimo. U Morena oa Iseralee.”

124 Jesu o itse, “U lumetse hobane Ke u boleletse lintho tsena. Joale u tla bona tse kholo ho feta mona.”

125 Oh, empa ba bang ba ne ba eme haufi, baprista, tšebeletso ea bolisa. ’Me ba tsebile ba tla tlameha ho arabela phutheho ea bona, ka eona, eaba ba tlameha ho bua ho hong. Le tseba seo ba se buileng? “Monna enoa ke Belsebule. Ke senohle feela, kapa liabolosi oa mofuta.”

126 ’Me Jesu a reteloha a re, “Ha le bua taba eo khahlano le Mora motho, le tla tšoareloa hona. Empa mohla Moea o Halalelang o fihlang ho etsa ntho e tšoanang; ho bua lentsoe khahlano le Oona, le ke ke la tšoareloa lefatšeng lena leha e le—leha e le lefatšeng le tlang ho tla.” E ne e tla re beha sebakeng se se kakang ke hona!

127 Joale rea fumana, ho theoha joalo, re ka haola le Mangolo. Bao . . . Ha re nkeng leqephe le leng re boele re phetle Bibeale.

“Re ne re hloka ho pota le ka Samaria,” tsatsi le leng mohla A ne a le tseleng ea Hae e eang Jeriko. Jeriko e ne e le maotong a leralla, 'me Jerusalema e le holima leralla. Samaria e ne e le morao koana, joaloka ho ea—ho ea California ka tsela ea—ea Cha . . . ka tsela ea Little Rock. U ne u tla koekoetla. Empa O ne a hloka ho pota le ka Samaria. Joale re fumana hore, Basamaria, ba hlahile ho—sehlopha se kopaneng sa batho.

¹²⁸ Merabe ea batho e meraro feela lefatšeng, eona ke: Kama, Sema, le batho ba Jafeta. Haeba re lumela Biblele, bohle ba qalile ho bana ba Nohe, 'me ke sona se hlahileng lefatšeng.

¹²⁹ 'Me joale re fumana seo: Mojuda, le Molichaba, le Mosamaria. Petrose, o ne a fueo linotlolo ka Pentekosta, o e butse Pentekosta, ho Bajuda, o e buletse Basamaria, le ho e manollela Balichaba. Eaba morabe ohle, merabe, e utloile Evangeli. Ha u sa hlola u mo utloa a sebelisa linotlolo, hobane Evangeli e ne e buletsoe bao bohle. Lemohang joale.

¹³⁰ Basamaria bana e ne e le halofo ea Mojuda le Molichaba. Ba ne ba lumela oona Molimo oo Mojuda a neng a o lumela, 'me ba ne ba lebeletse Messia ea tlang.

¹³¹ Joale, Messia o tla hlahela feela ba Mo shebeletseng. U a bona? Joale rōna Balichaba re ne re sa lebella Messia oa letho, 'me re eso bone letho. Lena ke letsatsi la rōna.

¹³² Ka hona e—e Basamaria ba ne ba lebeletse Messia. 'Me haeba Messia a ne a le lefatšeng, e tlamehile joalo, ho batho ba Samaria, ho Itsebisa joaloka ha A entse ho Bajuda.

¹³³ Joale mang le mang oa rōna o a tseba Messia o Itsebahalitse ka ho ba moporofeta eo Moshe a boletseng Molimo a tla mo hlahisa. Ke ba bakae ba lumelang hoo, e reng, “Amen.” [Phutheho e re, “Amen.”—Mohl.] Ehlile.

¹³⁴ E ne e le Moporofeta. O ile a tsebahatsa. Joale, eo e ne e le Jesu maobane. 'Me haeba E le oa maobane, kajeno, le kamehla, e tla ba Jesu kajeno, ntho e tšoanang.

¹³⁵ Joale re Mo fumana a nyolohela motseng ona oa Sikare, 'me —'me e batla e le hara mpa ea motšehare. Eaba barutuoa ba kena motseng, ho reka lijo. Lijo, li bitsoa joalo Lengolong. 'Me eare ba sa ile, Jesu a ema.

¹³⁶ Haeba u kile oa fihla mono, ke tšenola e kang ena; seliba, kapa seliba sa motse, pontšeng, ka ntle ho motse. Se sa ntse se eme le kajeno. 'Me batho ba tsoa ba kha metsi a bona, ba khutlela motseng. 'Me ba a jara hloohong ea bona, linkho. 'Me basali ba ka roala nkho e ka etsang ligallone tse hlano lihlohong tsa bona, 'me ba bea e 'ngoe letheke le leng le e 'ngoe 'me ba khona ho tsamaea, ba qoqa le basali ba bang kamoo basali ba ka khonang, 'me—'me ha ba ts'olle phophi ea metsi. Ha—ha ke bone kamoo ba ka e etsang, empa bona—ba e etsa, sekala se phethehileng hakana, ho qoqa le ho bua joalo ha basali ba ntse ba tsamaea,

ba roetse linkho tsena, lilithara tse ka bang leshome le metso e mehlano tsa metsi, ba tsamaea joalo, ba qoqa. 'Me basali bana, hobane. . . Le joale, ba sa ntse ba etsa ntho e tšoanang le eo ba neng ba e etsa mohlang oo, 'me basali bana ba tsoa ho ea kha metsi a bona selibeng.

¹³⁷ Joale teng, ho ella hora ea leshome le motso o mong kapa ea leshome le metso e 'meli, ha tsoa mosali ea tummeng hampe, le tseba seo ke se bolelang, e—e mosali oa lebone le lefubelu o tllile selibeng ho kha metsi, eaba o qala a lepeletsa e—e nkho ea metsi. Ba na le e—e toloki, le lihakisi tse peli tse fetang holim'a nkho ena, kapa bakete, 'me ba e lihela selibeng, 'me e thinyetsa lehlakoreng ha e thula metsi, 'me ba busa metsi ana. 'Me o ne a ntse a itokisetša ho lihela e—e nkho fatše, ha a utloa motho, a re, "Ntlisetse metsi." 'Me a sheba, 'me a bona e—e Mojuda a lutse pel'a lebota, moo morara o leketlileng leboteng, 'me O ne a lutse mono. O—O tlamehile e batla e le Monna oa lilemo tse bohareng, kapa a shebeha a le lilemo tse bohareng.

¹³⁸ Kea kholoa O ne a batla a le moholoanyane ho feta seo A neng a le sona ruri. Hobane, re fumana ho Santa Johanne 6, puisano e tllile mabapi le ho noa metsi mono. . . fealleng, le joalo-joalo, le—le kamoo ba neng ba thabela bohobe, bo lekayang manna. 'Me Jesu o itse, "Ke 'Na Lefika le neng le le fealleng."

¹³⁹ 'Me ba itse, "U Monna ea sa feteng mashome a mahlano," ua bona, athe O ne a le mashome a mararō feela. "U Monna ea sa feteng mashome a mahlano." Khatello ea Hae e kholo e tšoanetse e be e ile ea katla karolo ea Hae ea motho, 'me mohlomong O ne a qala a pulufala hanyenyane, kapa ho hong. Ho re, "U Monna ea sa feteng mashome a mahlano, 'me u re U 'bone Abrahama'? Joale rea tseba U a hlanya, kapa u fapane hlooho."

¹⁴⁰ 'Me O itse, "Pele ho Abrahama, KE TENG." Ba ne ba shebile monna eo feela. E ne e le se neng se le ka mono se bua. 'Me "KE TENG" o ne a le fealleng le Moshe, sehlahleng se tukang.

¹⁴¹ 'Me mono re fumana hore O ne a shebahala a tsofetse hanyenyane. 'Me, Eena, o ile a bona Mojuda enoa oa lilemo tse mahareng a lutse mono, mohlomong monna ea fetang lilemo tsa ho fereha mosali ea joalo, 'me a re, "Ha se moetlo, Uena u leng Mojuda, ho kopa 'na, mosali oa Mosamaria, mohau. Ha re sebelisane." Ka mantsoe a mang, "Mona re na le khethollo, 'me ha re. . . ha re sebelisane."

¹⁴² A mo tsebisa ka potlako. Joale O itse, o buile le eëna. 'Me a re, "Joale lona Bajuda le re le rapela Jerusalem, 'me, kapa rona re rapela thabeng ena," le joalo-joalo, le botebo ba seliba seo, 'me A se na letho ho kha ka lona.

¹⁴³ 'Me, moqoqo, joale le tla tlameha ho nka lentsoe la ka mona ka sena, seo A neng a se etsa, ua bona.

¹⁴⁴ Ntate, ho Santa Johanne 5:19, Jesu o itse, "Kannete, nete, Ke re ho lona, Mora o sitoa ho etsa letho a Nnotši, haese seo A

bonang Ntate a se etsa.” Joale ho latela Lentsoe la Hae ka Sebele, 'me A ke ke a bua leshano, 'me e be Molimo, ho latela Lentsoe la Oona ka Sebele, ha O a etsa mohlolo o le mong pele Molimo o Mo bontša ka pono, seo a lokelang ho se etsa, “Kannetenete, Ke re ho lona, Mora o sitoa ho etsa letho a Inotši, empa seo A bonang Ntate a se etsa, Mora o se etsa joalo le eena. Le a bona, Ntate o sa sebetsa, 'me le 'na Ke sa sebetsa.”

¹⁴⁵ Joale, Ntate o ne a Mo laetse ho nyoloha ka la Samaria, 'me keha A lutse mono, eaba ho tsoa mosali enoa. Joale, O ne a tlameha ho hokahana le moea oa hae, eaba O tlameha ho qoqa le eena. Ua bona? 'Me A re, hoba A fumane bothata ba hae, bohle re tseba seo e neng e le sona, A re, “E-ea u late monna oa hau le tle koano.”

¹⁴⁶ 'Me a re, “Ha ke na monna.” Oh, ke khalemo e kaakang ho Eena. Le a bona? “Ke na le . . .” Leha ho le joalo, o ne a sa tsebe. E ne e le monna oa tloaelo feela. O ne a sa apara joaloka moprista kapa rabi. E ne e le motho feela. Le a bona?

Le ho re, “E-ea u late monna oa hau le tle koano.”

A re, “Na, ha ke na monna.”

¹⁴⁷ A re, “U boletse 'nete. Hobane u bile le ba bahlano, le eo u phelang le eena joale ha se oa hau; ka seo u boletse 'nete.”

¹⁴⁸ Joale ke batla le lemohe phapang lipakeng tsa mosali eo le baprista bao ba rutehileng ba Mo bitsitseng “Belsebule.” Hang hoba a bone hoo, a re, “Monghali, kea lemoha hobane U moporofeta. Joale, rona Basamaria, re tseba Mangolo. Rea tseba Messia mohla a tlileng, ea bitsoang 'Kreste,' O tla etsa sena. O tla re bolella lintho tsena. Ua bona, eo ke pontšo ea Messia. Ka baka leo U tšoanetse u be u le moporofeta oa Hae, hoba E tla ba moporofeta mohla A tlang. Re hlokile e mong ka makholo a lilemo. Empa mohla A tlang, rea tseba Messia o tla etsa sena.”

Jesu o itse, “Ke 'Na, ea buang le uena.”

¹⁴⁹ Haeba e ne e le pontšo ea Messia maobane, ke pontšo ea Messia kajeno, hoba esale Eena maobane, kajeno, le kamehla. E ne e se pontšo ho baithuti ba thutabomolimo. E ne e le pontšo ho balumeli.

¹⁵⁰ Mosali eo o ne a tseba haholo ka Lengolo ho feta baprista bao. Ke tla bua ntho e le 'ngoe, o tsebile haholo ka Eèna ho feta bareri ba bangata kajeno. Ke hantle. E, monghali. Eea, o ne a Mo tseba. Hobaneng? Ke lumela peō ea Bophelo Bosafeleng e ne e ahile ka ho mosali. 'Me eitseha Leseli leo le halima holim'a Eona, a Le elelloa ka potlako.

¹⁵¹ Joale shebang baprista bao ba neng ba tlamehile ba be ba tsebile hantle ho feta. Ba itse, “Monna enoa ke Belsebule. O etsa sena, O a . . .”

¹⁵² 'Me Jesu o ba boletse, “Ho bitsa Moea oa Molimo 'moea o litšila, e ne e ke ke ea tšoarelola le ka mohla.” E ne e le Moea

oa Molimo o etsang hoo. “Mesebetsi ea Molimo, ‘moea o litšila.’” ’Me baprista bao, ho ena le ho batlisisa Lengolo! A re, “Hoja le tsebile letsatsi la Ka.”

153 Hola re ka tseba letsatsi leo re phelang ho lona, ho ke ke ha hlaha pherekano e kana ka Molaetsa ona le ka Mangolo ao re lekang ho a tlisetsa batho, haeba batho ba utloisisa hore re nakong ea qetelo.

154 Joale, empa, eitseha Leseli leo le chabela mosalinyana eo, ka boemong boo, lebitso le litšila, e—e—e mosali oa lebone le lefubelu; ’me haeba Lengolo leo, haeba Lentsoe leo, Lentsoe leo le tsebahalitsoeng. . . O ne a balile Lengolo ’me o tsebile seo Lentsoe le se buileng. ’Me eitseha a bona Lentsoe leo le bonahatsoa, a Le elelloa e le Messia ka potlako.

155 Hola a ne a ka etsa hoo tlasa maemo ao, re tlameha ho etsa ’ng bosiueng bona ha re ka ’Mona a etsa hona hoo, Kereke e tsoetsoeng labobeli e tletseng Moea o Halalelang, e shebeletseng ho Khutla ha Hae? E tlameha ho tlosa setulo se seng le se seng sa batho ba holofetseng ka mona. Khele, moetsalibe e mong le e mong o tlameha ho itihela aletareng. E paka hore O a phela.

156 Lemohang, a titimela motseng, a re ho monna, “Tloong, le bone Monna ea mpoleletseng tseo ke li entseng.” Joale mohlomong moqoqo oa hae o ne o le tjena, “Banna ba heso, ha nke ke le bolelle phatlalatsa. Na enoa hase eèna Messia?” A re, “Tloong, le bone Monna Ea mpoleletseng tseo ke li entseng. Na enoa hase Messia?”

157 ’Me Jesu a kena motseng. ’Me Bibe e boletse banna ba motse oo ba lumetse ho Eèna ka baka la bopaki ba mosali. Ha A ka a hlola a E etsa. Ha A ka a hlola a bua letho ka Eona. Eaba ke phetho. E ne e le Lentsoe la Molimo le nètetalitsoeng. E ne e le lona. Ke Molimo, Messia. Joale, ho sechaba sa batho ba joalo! Ua bona?

158 Joale ha ke tsebe re saletsoe ke nako e kae. Re tla emisa mohlomong feela. . . Be, beang butle motsotsotso. Jesu o boletse, ho Santa Luka, O itse, “Joaloka matsatsing a Sodoma, ho tla ba joalo ho tlang ha Mora motho.” Le sa e hopola? [Phutheho e re, “Amen.”—Mohl.] Joale ha re emiseng bakeng sa Lengolo le leng hape, le batlisisa taba ena.

159 Joale, shebang, O Itsebahalitse. Joale, re sa na le libaka tse ngata. Re ka nka sefofu Bartimea, le hohle, le ho bontša mosali a ama seaparo sa Hae, lintho tsohle ho haola le Lengolo, le selibeng moo A keneng teng, le ho tseba monna ea khorong e bitsoang e Lokileng, ba fumane bothata bona lilemo tse ngata, le joalo-joalo, ’me Jesu o tsebile. Le ho tsoelapele, le joalo-joalo, ho haola le Lengolo, ho ea hole koana le Genese. Empa, ho le tsebisa, re tle re potlake.

¹⁶⁰ Joale, Jesu o Itsebahalitse, boitsebiso ba Mangolo ho Bajuda, hore E ne e le Messia, ka ho ba moporofeta. Na ho joalo? E ne e le Jesu maobane, ho moporofeta, kapa ho Bajuda.

¹⁶¹ Mohlang oo Balichaba ba ne ba sa Mo batle. Re ne re le bahetene, re jere molamu mokokotlong. 'Me re rapela lisèto, rōna Balichaba. Re ne re sa lebella Messia oa letho, ka hona ha A tla ho rōna. Evangeli ha e a bolelloa e—ho ea—ho Balichaba hofihlela Petrose a ba buletse Evangeli tlung ea Kornele, nako e telele kamora moo. Eaba Pauluse o re hamorao, “Bonang, ke retelehela ho Balichaba,” hoba Bajuda ba mo hane.

¹⁶² Lemohang joale. Le se fose sena. Joale sena se tla le thusa ha le ka mamela feela. Hobaneng A sa etsa pontšo ena pel'a Balichaba? O e entse ka pela e—e Bajuda, O e entse ka pela Basamaria, empa ha A eso e etse le ka mohla pela Balichaba. Empa O lepile e tla etsoa pela Balichaba. Hoba, seo Molimo a leng sona, A ke ke a fetoha. Haeba A hlahisa pontšo eo ho Itsebisa har'a Baheberu le har'a Basamaria, pejana feela ba khaoloa Evangeling, 'me re fumane lilemo tse likete tse peli tsa thuto ea Bibehe, 'me joale Balichaba ba fihlile pheletsong ea bona. Ke pheletso ea rona. 'Me haeba A re lumella ho haola feela ka Presbeteriene ea tloaelo, Baptise, Methodise, kapa joalo-joalo, thuto, A sa ka a Itsebahatsa hara rona joaloka ha A entse mohlang oo, O entse ntho e phoso. Ka baka leo ha A hlomphe tšobotsi ea motho, 'me O boletse A tla e etsa.

¹⁶³ Joale shebang, “Joaloka matsatsing a Sodoma,” ke mohla Balichaba ba neng ba chesoa, ba chesoa. Joale, Nohe, O buile ka Nohe, e ne e le boitšoaro ba batho bao, ba kene. Empa lemohang Balichaba, pejana mollo o theoha ho timetsa Balichaba, Basodoma le Gomora, le metse e e teetseng hare.

¹⁶⁴ Lemohang Abrahama, papiso ea Kereke, e lokolohileng, Kereke ea moea. Lota, papiso ea kereke e fofo, kahara Babilona . . . kapa e seng Babilona; kahara Babilona kajeno, empa kahara Sodoma. 'Me e ntano ba Basodoma, bomosalumele.

¹⁶⁵ Lihlopha tsa batho li tharō kamehla. Re—re li tšoere mona, re li fumana hohle. Bao ke balumeli, baipehi-tumelo, le bomosalumele. 'Me re ba fumana hohle, le lihlopha tse tharō tsa batho.

¹⁶⁶ Molimo o phethehile ka botharō. Joaloka Ntate, Mora, Moea o Halalelang, o etsa Molimo o le mong. 'Me tokafatso, khalaletso, kolobetso ea Moea o Halalelang, e hlahisa tsoalo e le 'ngoe. Metsi, Mali, le Moea, li hlahisa Tsoalo e le 'ngoe. Le joalo-joalo, ua bona, ke phetho, e phethahetse. Ha re na nako ea ho haola e—e lipalong tsa Molimo, ho ea Oona, seo O phethisoang ka sona; le seo ho Khutla ha Hae ho tla ba sona, le joalo-joalo, le nomoro efe, empa re ho eona.

¹⁶⁷ Lemohang joale ha re bala, re fumana Eo, Messia enoa. Jesu o itse, “Joaloka matsatsing a Nohe, le joaloka matsatsing a Lota.”

Joale Abrahamama o ne a emetse mora oa tšepiso. Le rōna re joalo. Kereke e bitsitsoeng, e emetse batho ba tsoetsong labobeli ba ikarotseng le lefatše. Ha ba ka hara Sodoma. Ba bilelitsoe ka ntle, ba beeletsoe ka thoko, ba tšoere tšepiso ea Mora ea tlang.

168 'Me, joale, tsatsi le leng mohla Abrahamama a lutseng naheng e nyopileng.

169 'Me Lota a phetse le ntho ea hae e khōlō . . . e tšoanetse e be ebile ramotse oa toropo, moahloli. A fetoha monna e moholo. Mof. Lota o ne a poma moriri oa hae 'me a etsa ntho efe feela a neng a batla ho e etsa, ke a kholoa, tlase mono 'moho le baSodoma bohle. Empa e seng Sara; ke ile ka tlameha ho kenya seo feela, baena. Lemohang, o phetse kamoo a batlileng. E ne e le mosali ea tummeng haholo. A sa batle ho tēla.

170 Empa e seng Sara. A le holimo mono le monna oa hae. O ile a biletsoa kantle, ho tiisoa, ka tšepiso ea hore o tla fuoa ketelo e tsoang ho Molimo, mora o ne a tla fihla.

171 'Me le Kereke e bapisitsoeng ke Sara kajeno e joalo, e bitsitsoeng, e tsoang Sodoma, ka tšepiso e emetseng ea Mora ea tlang. Amen. Ho lumella lefatše ho etsa seo ba se batlang; ha se taba ea hae eo. O tsepamisa kelello ea hae tšepisong.

172 Ha etsahala'ng? Abrahamama a phahamisa mahlo a hae 'me a sheba, 'me a bona monna ba le bararo ba etla. 'Me na le lemohile? Abrahamama, eitseha a bona monna ba le bararo, o itse, "Morena oa ka, na U ka fapohela?" Ba ne ba le bararō. O itse, "Morena oa ka," bonngoeng.

Lota o bone ba babeli ba bona, o itse, "Beng ba ka."

173 Abrahamama o tsebile seo a neng a bua ka sona. A re, "Morena oa ka." Ba bararo ba bona, le, "Morena oa ka."

Lota o bone ba babeli ba bona, o itse, "Beng ba ka."

174 Eaba o re, "Morena oa ka, fapohela." 'Me ba ema. Le tseba moqoqo.

175 Lemohang joale, Lota o ne a le tlase Sodoma. 'Me Mangeloi a mabeli a theohela Sodoma, ho rera Evangeli, ho biletsa ba lokileng kantle har'a ba sa lumeleng. Na ho joalo? Billy Graham oa mehla ea joale. Ha ba etsa mehlolo e mengata; ho ba otlala ka bofofu, etsoe, therō ea Lentsoe e otlala mosalamele ka bofofu. Empa Billy Graham ea phethehileng, oa mehla ena.

176 'Me na le kile la elelloa? Hara banna bohle ba baholo bao re ba fumaneng lefatšeng, ba bareri, ho tloha matsatsing a Jesu Kreste; Sankey, Moody, Finney, Calvin, Knox, joalo, joalo le joalo, le joalo le joalo, ha re eso fumane monna ea qetellang lebitso la hae ka h-a-m, ea kang Abraham, empa G-r-a-h-a-m. Empa lemohang, litlhaku tse tšeletseng, G-r-a-h-a-m, tšelela. A-b-r-a-h-a-m ke supa. Ha re eso le fumane le ka mohla, empa moromuoa o teng tlase Sodoma, "Tsoang ho eona." 'Me Molimo o rometse monna ea lokileng, Billy Graham, ho ba bitsa ho tsoa

Sodoma. 'Me ba amohetse pontšo ea thero ea Evangeli. 'Me ba E fumana kajeno, lefatše ka bophara, ka moena ea tsoileng ka mahetla, ea khabane, Billy Graham, ka molaetsa oa pholoso, le, "Tsoang Sodoma!" Ke hantle. Lebitso la hae le a fella, *h-a-m*, le bolela "ntata batho, kapa lichaba."

¹⁷⁷ Empa Moromuoa o ne a le teng, hape, ea setseng le Abrahama, *A-b-r-a-h-a-m*. 'Me lemohang, joaloka ha A boletse, O ba file pontšo.

¹⁷⁸ Joale hopolang, lebitso la hae e ne e le Abram, matsatsi a 'maloa pele ho moo; Sarai, e seng Sarah. Lebitso la hae e ne e le Abram, e seng Abraham. Lemohang, Monna ea ileng a lula a qoqa le eèna, ho re, "Abrahama, mosali oa hau o kae, Sara?"

¹⁷⁹ Joale basali matsatsing ao ha ba tšoane le kajeno, ho tlameha ho tsoa le ho kena mosebetsing oa monna, le ho laola khoebo le ntho eohle . . . Le a bona, ba ne ba lula morao moo ba loketseng. Empa, bao, a lula ka tenteng.

'Me A re, "Sara mosali oa hau o kae?"

¹⁸⁰ Joale shebang seo Bibe le se buileng. Abrahama o itse, "O ka tenteng, ka mora Hau." Lengeloi le ne le furaletse tente ka mokokotlo oa Lona.

¹⁸¹ 'Me Lengeloi e ne e le Monna, hobane O jele nama ea namane, ho noa lebese la khomo, le ho ja bohobe ba koro le botoro. Ke hantle. O ents'e joalo. O ile a ja 'me a noa le Abrahama, mohla a nkang sehlahla sa ntsintsi 'me a tšosa lintsintsi ho Eèna, A sa eme mono a noa. Ke hantle, Monna!

¹⁸² 'Me A re, "Abrahama, Ke . . ." 'Me leo ke leemeli la motho, hape. "Ke tla u etela ka tšepiso." E ne e le Mang?

¹⁸³ 'Me Sarah, a mametse, a utloella, u a tseba, a itšehela, joalo ka, a khutsitse. [Moena Branham o a etsisa—Mohl.] "Na, mosalimoholo, oa lilemo tse lekholo, likamano tsa lelapa li khaolitse lilemo tse ngata; nka boela ka thaba le morena oa ka, ka ho bona hobane o tsofetse?"

¹⁸⁴ 'Me Lengeloi, le furaletseng tente mokokotlo oa Lona, la re, "Sara o tšehile ke'ng?" Amen!

¹⁸⁵ Lemohang mohla Lengeloi le ne le nyamela 'me le tloha, Abrahama o Mo bitsitse, "Elohim." Moithuti ofe feela u a tseba hore hohle moo u bonang tlhaku e kholo *M-o-r-e-n-a*, e tolokoa ka Segerike, *Elohim*, "Rabokhoni-bohle, Eamatlaohle," E leng Jehova Molimo. Thoriso!

¹⁸⁶ Monna o itse ho 'na, "U batla ho mpoella, u a lumela e ne e le Molimo?"

¹⁸⁷ Ka re, "Abrahama o buile le Eena, 'me o Mo bitsitse 'Molimo.' O tlamehile ho tseba." Oh, ke thabetse ho tseba Molimo o joalo!

¹⁸⁸ O entseng? Seo ke nahanang hore O se ents'e e ne e le . . . Le a tseba, re bopiloe ka lielemente tse fapaneng tse leshome

le metso e tšeletseng tsa lefatše, le a tseba: petroleamo, le leseli la k’hosmiki, le potashe, le k’halsiamo. Kea lumela O itse feela, “Ke utloetse ka libe tseo. Ke tla theoha, ho e sheba. Tloo koano, Gabariele,” ho bokella leseli la k’hosmiki le tlang seatla, ’me, Phfff! “Kena ka har’a ntho eo. ’Me u tle koano, Lengana,” ’me, Pfff! “Kena ka har’a ntho eo.” Eaba O Ikhella o mong. Hobaneng? Ke Molimo.

¹⁸⁹ Ke thabetse ho tseba. Hoo, tsatsi le leng mohlomong nka ts’oha ke se letho haese ho khutlela leseling la k’hosmiki. Mohlomong ke se letho ho eona eo u ka e fumanang. Masapo ana a ka bola, empa O tseba lebitso la ka. Ka tsatsi le leng O tla mpitsa; ke tla hlaha ka setšoano sa Hae.

Ho ke Molimo oa rōna. Abrahamama o Mo bitsitse “Elohim.”

¹⁹⁰ Lemohang, Jesu o itse, “Joaloka matsatsing a Lota, ho tla ba joalo ho tlang ha Mora motho.” Baromuo ba tla ba ka hara Sodomā; ’me Kereke e bitsitsoeng e tla fuoa pontšo, ea eng? Molimo o bonahalitsoeng nameng ea motho. Thoriso! Jesu Kreste eena maobane, kajeno, le kamehla. Ke pontšo ho Kereke ea Balichaba. Joale ke nako ea rōna. Ke rōna re tla e bona, tšepiso ea Molimo. Re ka ema mona hora, morao le pele, Lengolong, ’me re e lohanya ’moho re e paka e lokile. ’Me ena ke hora. Pontšo ea ho qetela e tla hlalisoa ke ena. Re nakong ea qetelo.

¹⁹¹ Buka ea Tšenolo, ho Mengoaha ea Kereke, Mongoaha oa Kereke ea Laodisea, lengeloi la bosupa le ne le loketse. . . Ho utloahatsoa ha matsatsing a seo, “sephiri sa Molimo se tlamehile se be se phethehile.” ’Me re Mongoaheng oa Laodisea; botsoa, bonolo, ha ho molemo, fofo, ’me kereke ea rōna ea Pentekosta e kene maemong ao. Molimo o tsokolitse neo e ’ngoe le e ’ngoe eo A e khonneng pela eona.

¹⁹² E nkhopotsa, joaloka mofumahatsana mane Louisville, nakoana e fetileng mona. O ne a ena le moshanyana, a tsamaea hohle, a leka ho tsukutla libapalisoa tse nyenyane, ’me ngoana monyenane a lula a rototse mahlo feela. ’Me batho ba mo shebile. ’Me a qala a hooeletsā. A nyoloha, ba bang ba basali, le ho ’motsa bothata. Ho re, “Moshanyana oa ka o rebehile.” Le ho re, “Ha a lemohe lintho tse kang tseo bana ba lokelang ho li eelloa, lilemong tsa hae.” Le ho re, “Ka mo isa ngakeng, ’me ngaka ea re o ne a ntlafetse, empa,” ho re, “ha a joalo.” A re, “Ke sisinya sebapalisoa sena, ngoana ofe feela e monyenane. . . ’Me o lutse feela a rototse mahlo. Ngoana ofe kapa ofe o lokela ho hlokomela seo e le papali, ’me a e fihlelle, empa o sheba feela.”

¹⁹³ Ke ntho e kang kereke ea Pentekosta. Molimo o rometse Oral Roberts, le ntho eohle, ka mathoko, ho tsokotsa lineo tsa mefuta eohle le lintho, ho kereke. O tšolotse Moea oa Hae. U buile ka lipuo, ho koaholla, ho fuoa lineo tsa boporofeta, le ntho eohle ese.

194 'Me ho fihlile mohla Jesu Kreste a tla Itsebahatsa har'a batho, eena maobane, kajeno, le kamehla, e tla ba pontšo ea ho qetela e tla sisingoa pela batho. Hopolang, nakoana ka mora ponahatso eo ea Molimo ka sebopeho sa motho, ka nama, mollo oa theoha oa timetsa Balichaba. "Me joaloka matsatsing a Sodoma, ho tla ba joalo ho tlang ha Mora motho."

195 O Itsebahalitse joaloka Messia, ho Bajuda, ka ho lemoha mehopolo e pelōng ea bona, ka ho bua le bona ka mabitso a bona le lintho tse fapaneng. Ba tsebile hoba eo e ne e le moporofeta eo Morena Molimo a tšepisitseng ho mo hlahisa. Bao ba sebele, ba 'nete ba neng ba rereloe hoo, ba e bone.

196 Haeba ho se letho pelong ho e amohela, ha ho letho mono. O ka minya mali joang ho rapa? Ha ho mali ho eona. Ka hona motho a ka lumela joang athe ha ho letho ka mono ho lumela ka lona?

197 Empa ha Moea o Halalelang o le teng ka mono, o qhautsa Lentsoe leo ka potlako. O fofa o tloha, ua bona, ho Le fumana ka potlako. Joale, "Benghali, re rata ho bona Jesu." O tšepisitse mona ho Itsebisa har'a rōna, ka mokhoa oo A entseng.

Joale u re, "Empa ebe O ne a ka Itsebahatsa joang?"

198 "Ho se ho se hokae 'me lefatše ha le sa tla Mpona. Empa lona le tla Mpona, hoba Ke tla ba le lona, le ka ho lona." Ke Moea o Halalelang o buang ka lipuo 'me o hlahisa phetolelo, eena Ea u pholosang sebeng. Ke Jesu Kreste eo, o tlile.

199 [Khaitsetli o bua ka lipuo. Motho e mong o qala a bua ka lipuo. Sekheo lebanteng—Mohl.] Tharō. [Sekheo lebanteng.] Ho bokoe Morena. Na le lemohile seo? Ho 'na ho thoe, "Tsoang, tsoang, tsoang," ua bona, ho hlaba mokhosi. Ho lokile, u utloa seo e leng sona.

200 Joale Bibeletse e a bua, haeba baeti ba le teng mona, Bibeletse e bua ka ho bua ka lipuo le likoahollo, ua bona. Ka hona haeba e buile ka maleme le ho toloka, joale ke boporofeta. Le a bona, ho lokile, ha ho joalo? Ke boporofeta.

201 Joale tsoang. Joale Morena o bonahala a re O tla u fa monyetla joale, ua bona, ntho eo u eso e bone pele, seo A tlang ho se etsa. Joale ha re e lumeleng ka pelō eohle ea rōna.

202 Joale re mpa feela, 'na le Billy, mohla re keneng leetong lena la India la ho qetela, re . . . Ke fumane sekotoana pampiring. 'Me ea re, "E—e thothomelo ea lefatše e tšoaetse e be e fetile." Matsatsi a 'maloa pele re fihla mono, ba tsebile. . . Le a bona, India ha e na literata tse kang tsa lona mona, lifense tsa literata. Ba thonaka majoe, 'me ba haha meaho ea bona e mengata. Ke batho ba futsanehileng haholo. 'Me—'me linonyana li haha lihlahla tsa tsona majoeng ana, makhomo le linku lia kena, mantsiboea, le ho ema pel'a marako ana, ha letsatsi le chabile, ho ipholisa.

203 Empa ba lemoha, matsatsi a 'maloa, makhomo ha a kena, a lula hantle kantle thoteng. Linku tsa teana 'me tsa hamarelana, 'me tsa itšetleha e 'ngoe ka e 'ngoe, tšimong, ho phola. Linonyana tsohle tsa fofa li tsoa marakong. Li sa tsebe se tla etsahala. Eaba thothomelo ea lefatše e a otlala, 'me ea heletsa marako. Eaba linonyana li khutla li haha lihlahla hape mapatsong a mafika, 'me makhomo a qala a kena hape.

204 Joale, shebang, haeba e se 'ona Molimo o nong o ka li lemosa ho kena arekeng, matsatsing a Nohe! 'Me hola Molimo o ka etsa hoo, oa lemosa linonyana, ka tlhaho; le ho lemosa likhomo le linku, ka tlhaho, ho sutha marakohaling ao a khale a tlang ho heleha. Molimo o leka ho lemosa batho ba Oona kajeno, ho sutha marakong ana a khale a bokereke a tlang ho hohlomela, le leng la matsatsi ana, hoba ho Khutla ha Morena ho atametse.

Ha re inamiseng lihlooho tsa rōna.

205 Morena Jesu, ke utloa nako ea ka ho emisa joale e fihlile. 'Me ke nako ea Hau ho bua, Ntate. Ke lekile ho bolella batho hore esale Uena maobane, kajeno, le kamehla. Ke lekile ho e kholisa ka Mangolo, seo U nong u le sona, le kamoo U Iponahalitseng kateng.

206 Hape kea hopola, ho Santa Johanne khaolong ea 14 le temana ea 12, U itse, "Ea lumelang," e seng moipehi-tumelo, "ea lumelang ho 'Na, mesebetsi eo Ke e etsang o tla e etsa le eena." E ka etsa eng hape, Ntate? Hola re ka fallisetsa bophelo ho tlhoa sefateng sa pere ho ea sefateng sa perekisi, se ne se tla bea lipere, hobane bophelo ba sefate sa pere bo ka har'a perekisi. 'Me, Ntate oa Leholimō, haeba Bophelo bo nong bo ahile ka ho Kreste, mohopolo o nong o ahile ka ho Eèna, Moea o nong o ahile ka ho Eèna, o tšepisitse ho ba ka ho rona, re jere bopaki ba hoo. Haeba E le sefate sa Morara 'me rona re le makala, Bophelo bo tsoa ho Morara. Morena, re mpe re be makala, bosiueng bona. Re a eelolla hore morara ha o behe tholoana ea letho; e tlohile, empa ea khutla ka sebopelo sa Bophelo, 'me makala a beha tholoana. Lentsoe la Hau ke ha U bua ka rona. "Ha u ka re ho thaba ena sutha, 'me u sa belaele pelong ea hau, u mpa u lumela hoba seo u se boletseng se tla hlaha, u ka fumana seo u se boletseng. Ha u rapela, lumela hoba u fumana seo u se kopileng, u tla se neoa." Oho Molimo, litšepiso tse joalo! "Ekare ha le lula ho 'Na, le Lentsoe la Ka le lula ho lona, le ka kopa seo le se batlang."

207 Oho Molimo, litšepiso tse kakang tseo kereke e nang le tsona, le topollo e phethahetseng hakaalo! Re itemoha re se na tokelo, 'me re ke ke ra ba le tokelo le ka mohla. Ha ho mokhoa ho rōna ho ba le tokelo. 'Me ha re bale tokelo ea rona. Re shebile Sehlabelo sa rona, Morena Jesu. Ke eena Eo re patiloeng ho Eena, bosiueng bona. Re halalelitsoe pallong ea Hae e bokoang, Lentsoeng la Hae. Ke ea rōna . . .

208 Ke nqalo eo tumelo e ipatang teng, holima Lefika le sa sisinyeheng la Lentsoe la Molimo la Bosafeleng. Tumelo e nka malulo a eona—a eona hantle mono, malulo a eona, ha ho letho le ka e tlosang. Lefu le ke ke la e hlohlora. Lebitla le ke ke la e pata. E pakiloe. O tsohile ka letsatsi la borarō, hobane Lentsoe la Molimo le boletse, “Nke ke ka tlohela moea oa Hae liheleng, nke ke ka lesa Mokhethoa oa Ka hore a bone ho bola.” Ha ho lebitla le neng le ka Mo tšoara.

209 Oho Molimo, ke Lentsoe la Hau. E bonahatse bosiueng bona. Uena u Lentsoe. Le ho lumella Mantsoe ao U a tšepisitseng, ho boleloa bosiueng bona, Morena, le pontšo ea hobane Messia o holim’a lefatše, ’me re nakong ea qetelo. Joaloka ha banna ba bohlaile ba bone linaleli tse tharo li kolohana, li fetoha ntho e le ’ngoe; ’me joaloka ha re bona, kajeno, Morena, bokhetheho ba Molimo bo hararo bo kene mochoporong qetellong, re a tseba ba bang. ’Me re bona lipontšo tsena tsohle tse khōlō holim’a lefatše, tse hlahang; le boitsebiso ba Mora oa Molimo, ho sebetsa nameng ea Kereke ea Hae, ho ntšelelsa mosebetsi oa Hae. Molimo, lipelō tsa batho li ke li thothomele. Baetsalibe ba ke ba thothomele. ’Me ho etsahale pako, ’me ho etsahale pholiso e kanae, bosiueng bona, ea moea le ’mele ’moho, hore banna le basali, hohle, ba tla tsoa ho se lumeleng, ba ikhethe ’me ba lumele ho Molimo o phelang.

210 Ke ineela ho Uena, Morena, joaloka mohlanka oa Hau. Ke nehela kereke ena ho Uena. Ke a elelloa, Morena, ho sa tsoetelehe U ka ntlotsa hakae, ha batho ba sa e lumele, e ke ke ea etsoa. Bobeli re tsoanetse ho sebetsa ’moho re le bonngoe ba tumelo ea Molimo, le ka hlomphe ea Lentsoe la Jesu Krete, ho bona lintho tsena li etsahala.

211 Re koaptjoa potso, “Benghali, re rata ho bona Jesu.” ’Me, Ntate, U tšepisitse seo, hore U tla ba le rōna. Joale re tla U shebella ho hlaha har’a rōna, Morena. Ka Lebitso la Jesu Krete ke kopa lintho tsena. Amen.

212 Joale kea lumela . . . ’me haeba litlankana tsa thapelo li ntšitsoe. ’Ngoe ho fihla ho lekholo? Ho lokile, rona, re ke ke ra li mamella tsohle ka nako e le ’ngoe, re loketse feela ho li fumana ka bonngoe ka bonngoe. Joale etlare ha . . . Re tla le bitsa, ka bonngoe ka bonngoe, ’me haeba u holofetse, u shoele litho, u sa khone ho ema, baena ba bang ba tla tla, ba le tlise kalaneng, ho rapelloa.

213 [Sekheo lebanteng—Mohl.] . . . ema. Ha u sa khone, ntsebise. Palo ea bobeli, karete ea thapelo ea bobeli, na u ka ema. Kea leboha.

214 Palo ea boraro, ke mang ea nang le karete ea thapelo ea nomoro ea boraro? Na u ka ema? Hantle feela joale, re lokela ho potlaka. Na mofumahali enoa, na o tšoere palo ea boraro, setlankana sa thapelo? Ho lokile. Ho lokile, theohela ntlheng

tlase mono, palo ea boraro. Billy, uena kapa motho e mong tloo koano.

²¹⁵ Palo ea bone, palo ea bone, setlankana sa thapelo sa palo ea bone, ke mang ea se tšoereng? Morao-rao koana. Ho lokile, tloo koano, mofumahali. Palo ea bohloano. Bohle le tla bitsoa, ka bonngoe ka bonngoe. Palo ea bohloano.

²¹⁶ U tšoare karete efe, monghali? [Moena o re, “Palo ea boraro, B.”—Mohl.] Palo ea eng? [“Boraro.”] Palo ea boraro? Motho e mong o entse phoso. Monna enoa—enoa mona o tšoare karete ea palo ea tharo. Ho lokile.

²¹⁷ Palo ea bone, ke mang ea tšoereng palo ea bone, setlankana sa thapelo sa palo ea bone? Ho lokile, palo ea bohloano, ke mang ea tšoereng setlankana sa thapelo sa palo ea bohloano? Palo ea tšeela, ke mang ea tšoereng hoo, palo ea tšeela? Kea leboha. Tloo. Palo ea supa. Joale nkang libaka tsa lona. Palo ea supa. Palo ea robeli, robeli.

²¹⁸ Robong, robong, na ke e bone? Robong, motho a potlake joale re tle re se nke nako e ngata ho bona. Palo ea robong, setlankana sa thapelo sa palo ea robong, hleng. Motho a nthuse ho sheba. Na lōna baena le ka ema la nthusa ho sheba. Palo ea robong, ha e eo mona? Ho lokile, haeba e kena, e ka tlatsa malulo a eona; e ka ba e tsoile, ke rerile halelele.

²¹⁹ Palo ea leshome, setlankana sa thapelo sa leshome, phahamisa letsoho la hau re tle re bone na u mang. Ho lokile, tloo. Ea leshome le metso o mong, karete ea thapelo ea leshome le metso o mong. U ne u sa nka, mofumahali? Phahamisang matsoho a lona ha ke le bolella, 'me hape lona, ha palo ea lona e bitsoa, joale le—le tla tseba.

²²⁰ Palo ea leshome le metso e 'meli, palo ea leshome le metso e 'meli, ke mang ea e tšoereng? Palo ea leshome le metso e 'meli. Tloo, mofumahali. Palo ea leshome le metso e meraro, karete ea thapelo ea leshome le metso e meraro. Koana morao ka morao. Tloo, mofumahali, haeba u ka ema. Palo ea leshome le metso e meraro. Palo ea leshome le metso e mene, palo ea leshome le metso e mene, e hokae? Karete ea thapelo ea leshome le metso e mene, koana ka morao. Ho lokile, tsoela pele hantle, mofumahali. Palo ea leshome le metso e mehlano, monna enoa hantle mona, palo ea leshome le metso e mehlano. Leshome le metso e tšeletseng, leshome le metso e tšeletseng, leshome le metso e tšeletseng, karete ea thapelo ea nomoro ea tšeela- . . . Ka mane hukung. Leshome le metso e supileng.

²²¹ Le a bona, ha se arena, ha re . . . Rea—rea ba bitsa, ka bonngoe ka bonngoe; ha ho na morabe o moholo 'me o qhomela ka hare, u a tseba. Re batla taolo, o a bona, tlhompfo.

²²² Palo ea leshome le metso e tšeletseng, karete ea thapelo ea nomoro ea leshome le metso e tšeletseng. Palo ea leshome le metso e tšeletseng, na mofumahali enoa o nkile leshome le

metso e tšeletseng? [Moena e mong o re, “Leshome le metso e mene.”—Mohl.] Leshome le metso e mene. Palo ea leshome le metso e tšeletseng, leshome le metso e tšeletseng. Ho lokile, kea leboha, monghali. Palo ea leshome le metso e supileng. E se e theohile, e, leshome le metso e supileng. Leshome le metso e robeli. Ho lokile. Ee.

223 Be, ba se emisitse bongata bo ka emang khoneng nakong ena. Re tla qala, hantle metsotsong e ’maloa, ho tloha moo. Ho lokile.

224 Ke ba bakae ba lona, ha ba ntse ba kenya batho bao moleng, ba se nang setlankana sa thapelo, ha re boneng matsoho a lōna, ’me le a kula? Ho lokile, ke sa le qotsetsa Lengolo. Joale ha u na setlankana sa thapelo, koana u a kula, u ke ke ua biletsoa moleng oa thapelo? Ho lokile.

225 Ba sa ntsebang ka moahong ona ba bakae, le ho tseba ke sa tsebe letho ka lōna, phahamisang matsoho a lona; ba kulang, le a tseba. Le a bona? Ho tšepahala ho uena, ha ke bone motho eo ke mo tsebang. Joale, u ka ntseba, empa bonnete. . . Ha ke—ke e bolele ho hlhisa kotsi efe, ha ke eso u bone, ’me ha ke—ke khone, ha ke khone ho bona motho a le mong eo ke—ke mo tsebang, ntle le haeba e le thakanyana lena le lithonyana le lutseng mono, ba banyenyane. . . Na ke shebile motho ea nepahetseng? Ke lebala lebitso la hau, u tsoa Missouri. Ke—ke a tseba u fihla tabernakeleng hang ka nako.

226 Joale, ’me kalaneng, joale, le hopole, Molimo o holim’a kalana hakaalo ka ha A le teng kantle mane. Ha ke tsebe motho mona, ho bolela feela hore kea ba tseba, kantle ho moena hantle mona, le Moena Moore, ho tseba lebitso kapa ho tseba mang. Nka tseba. . . Ke—ke nahana enoa e le ntata lona ea lutseng morao mane, ke tiile hore e lokile. Le Jim Maguire mona, e—e moshanyana oa teipi ea lutseng mona. ’Me ke phetho seo ke se bonang, ho tseba, le ho tseba na ke bomang. Ho lokile.

227 Mamelang, ha re nkeng pale e kang ena ba sa itokisa, pale e ’ngoe eo re ka e qotsang ka Morena Jesu. Mona, ba bakae ba tsebang Bible e re mosali o kile a ba le phallo ea mali? ’Me a sa khone, le eena a sa bitsoa moleng oa thapelo, hape. Empa, a se na setlankana sa thapelo, empa a e-na le tumelo, ’me ke sona se amang Molimo. ’Me Jesu ha a tsamaea tseleng, mosajana enoa a kena a ama moleka oa seaparo sa Hae.

228 Ba bakae ba tsebang hoba seaparo sa Palestina se leketla se lokolohile? E ne e le kobo. ’Me e ne e na le seaparo sa ka hare, hape, le a bona, ho thibela lerole maotong a bona. Kahoo ba ne ba—ba ena le seaparo sa ka hare, seaparo se pheula lerole ha ba ntse ba tsamaea. ’Me kahoo ba ne ba e-na le seaparo sa ka hare.

229 ’Me mosali enoa a ama mophetho oa seaparo sa Hae, ka monoana oa hae. ’Me Jesu a ema, ’me A re, “Ke mang ea Nkamileng?” Ha ke lumele hore O ne a bapala feela. Ha ke lumele

hore O entse hoo. Ke lumela ruri A sa tseba ea e entseng. O itse, “Ke mang ea Nkamileng?”

230 'Me hoo, batho ba bangata hakana ba Mo kopetse ka matsoho a bona, “Hela, Rabbi! Na enoa ke Moporofeta oa Galelea? Be, re thabetse ho U bona mona.” Mang le mang, “U phela joang?”

231 Petrose a re, “Morena!” A Mo khalema, Bibe e boletse. Ka mantsoe a mang, Petrose a ka be a buile sena, “Khele, e utloahala e sa tloaeleha, ho Monna oa semelo sa Hau ho re ‘ea amileng’ Uena. 'Me kea kholoa, esale ke qoqa le Uena, matsoho a mashome a mahlano a U ama. 'Me U ntano re, ‘Ke mang ea Nkamileng?’ Khele, ha e utloahale hantle kelellong, Morena. Ha u a tlameha ho bua ntho e kang eo.” Bibe e itse, “Petrose o Mo khalemetse.”

232 Empa Jesu o itse, “Kea lemoha hoba molemo o tsoile ho 'Na.” E ne e le kamo ea mofuta o fapaneng, kamo ea tumelo. Molemo ke matla. “Kea lemoha matla a Ka. . . Ke ile ka fokola. Motho o Nkamile ka e—e kamo ea tumelo.”

233 Joale A ka be a sa e utloa, nameng. U ka ama baki ea ka, 'me li ngata lintho tse lipakeng tsa moleka oa seaparo sa Hae le 'mele oa Hae, ho feta baki ea ka.

234 Joalo feela ka sefofu Bartimea, a eme lijarete tse lekholo ho tloha ho Eena, a re, “Jesu, Uena Mora Davida.”

235 'Me batho bao bohle ba hooeletsa, “Rea utloa U tsosa bafu. Re na le setša se tletseng bona holimo mona. Nyolohela mona u ba tsose, re tla lumela ho Uena.” Ua bona, basomi bao, ua bona, le joalo-joalo.

Empa esita le Jesu ha a utloa Bartimea, empa tumelo ea hae e Mo emisitse. Ua bona, tumelo ea hae e entse hoo.

236 Joale, tumelo ea mosali enoa e Mo emisitse, 'me A sheba holim'a letšoele hofihlela A fumane mosajana. 'Me A 'molella ka maemo a hae, le ho re, “Tumelo ea hau e u pholositse.” Na ho joalo? Mosali ea tloaelehileng feela e monyenyanane, ea shebehang a fokola, 'me o ile a folisoa.

237 Joale eaba o etsa'ng? Ha a ka a Mo ama, ka nèpo. O amme Molimo, ka Eèna. Joale, ho joalo. . . Ke ba bakae ba tsebang. . . Bareri bana, bao, kea tseba hore ba tseba. Empa Buka ea Baheberu e re, “Jesu Kreste joale ke Moprasta e Moholo ea ka angang ke maikutlo a mahlomola a rōna.” Na ho joalo?

238 Ke ba bakae ba tsebang hoo letšoeleng? Be, haeba E le Moprasta e Moholo, esale Eèna Moprasta e Moholo eo A kileng a ba eèna. “Ha ho moemeli e mong lipakeng tsa Molimo le motho, haese Monna eo Kreste Jesu.” Ka hona haeba E le oa maobane, kajeno, le kamehla, 'me u Mo amme joaloka ha a entse, 'me A ka angoa, 'me ha u ka Mo ama joaloka ha a entse, na A ke ke a arabela ka moo A arabetseng kateng, haeba E le eena maobane, kajeno, le kamehla? Na ho joalo? Ee? Ntho feela eo u lokelang ho e etsa ke ho Mo ama.

239 Joale, e seng ho ama e mong oa baena ba rōna, kapa ho nkama. Hoo, ke baena ba lōna feela, ua bona. Empa ak’o Mo ame. Tumelo ea hau e Mo ame, ke moo A tla sebelisa sesebelisoa sa Hae ’me O tla ba. . . O tla etsa kajeno kamoo A kileng a etsa le ka mohla. Esale Eēna kajeno, le ka mehla. Na le lumela seo?

240 Ka hona joale ke batla lona bohle, maikutlo a lona a sa arohanang, motho e mong le e mong a lule hantle sebakeng sa hae metsotso e ’maloa e latelang, ’me a rapele.

241 Joale, ke ntho e kholo ho nyolohela mona le ho rera Evangeli e ka fetolang batho, ka tšoanelo, bao pele e neng e le manaojoala le babechi, le liotsoa le ntho e ’ngoe le e ’ngoe, ka ntle seterateng, ho lula libakeng tsa Leholimo ka ho Krete Jesu, ’me u ka utloa pululelo ea Moea ho u tsoetsa moo u lahleheloang ke uena, le ho hooletsa “amen” le “allelua,” lithoriso ho Molimo. Ke ntho e babatsehang eo. Empa ka har’a letšoele lona leo, ’me Evangeli e boleloa le ho bolela seo A neng a le sona, joale ho Mo tsebahatsa hantle hape Eena eo.

242 Joale moleng ona oa thapelo o emeng mona, ha ke nahane. . . Ha ke bone motho a le mong moleng oo eo ke mo tsebang. Ha ho motho. Haeba e mong le e mong oa lona ea moleng oo oa thapelo, le le basele ho ’na, ha ke u tsebe, u a tseba ha ke tsebe letho ka uena, phahamisa letsoho la hau. E mong le e mong oa lona ba moleng oa thapelo, ba tsebang ke sa tsebe letho ka lona, phahamisa letsoho la hau. Ho lokile. Kea kholoa, e ne e le mola ohle oa thapelo. Joale, ha ke tsebe letho la bona. Joale mokhoa o le mong oo. . .

243 ’Me haeba motho a nahana hore sena se fosahetse, nyolohela mona ’me u nke sebaka sa ka. Le a bona? Ho fihlela u ka etsa ntho e tšoanang, joale u se ke ua bua letho ka sena. Jesu o itse, “Ekare ha Ke leleka batemona ka monoana oa Molimo, bana ba lona ba a leleka ka mang?” Ka mantsoe a mang, “Ba na le tsamaiso efe e molengoana?” Le a bona?

244 Joale re fihlile moo bohle ba qalileng ba nahana ka moetlo oa khale, ho beoa matsoho. ’Me hoo ho itoketse. Empa joale, baena besō ba bareri, le ka mpakela feela, e ne e le moetlo oa Bajuda. Ua bona?

245 Jariuse a re, “Tloo bee letsoho la Hau holima morali oa ka, ’me o tla phela.” Empa Moroma, Molichaba, o itse, “Ha ke na tokelo ea hore U ka kena tlasa marulelo a ka. Bua lentsoe feela.” Na ho joalo? Ke lentsoe le builoeng; Balichaba, ua bona. Re tlameha ho ntšeletsa hoo; hola Moroma a ka nahana joalo, mohetene ea sa tsoa ’Mona. Hobane, o tsebile seo, Mantsoe a Jesu Krete. O itse, “Ke monna ea bolaoling. Ke re ho monna *enoa*, ‘tsamaea,’ ’me o a tloha, le *enoa* o a tla. O tlamehile joalo, hobane o tlasa ka.” O ne a tsebahatsa eng? Hore boloetse bo bong le bo bong le bohloko bo bong bo ne bo le tlasa molao oa Jesu Krete. E, monghali. O na le borena.

246 'Me ha re ka Mo utloa a bua, hoo ho Mo tsebahatsa a le 'moho le rona. Ekaba ntho e fetisang ka boholo hakakang ho lona Balichaba, bosiuang bona, ho tseba, le ho tseba hobane O har'a rōna, le ho ka nanabela le ho lemoha. Ha se ho re, "Moena Branham o mpehile matsoho; Moena Roberts, kapa oa ka... motho e mong." Empa ka tumelo ho Mora oa Molimo, ho re, "Ke a U amohela, Morena Jesu. U teng mona. Ua mpholisa."

247 Joale haeba A ka Itsebahatsa le ho paka ka Evangeli hore O teng mona joale joaloka ha A entse mohlang oo. Ke le paketse, hoba leo ke letsoao la Hae la boitsebiso, (na ho joalo?) ho tšepisa matsatsing a qetelo lintho tsena li tla hlaha. 'Me re bone kereke e kena ho eona hantle ka Luther, Wesley, Pentekosta, le ho theohela qetellong hantle. Ua bona? 'Me ke rōna bana, Mongoaha oa Laodisea, Mongoaha oa Sodoma, 'me ke rōna bana. Bosebeletsi bo haotse khutlo-'ngoe le e 'ngoe ea Lentsoe. 'Me kea lumela, sephiri sohle sa Molimo, Se se se boletsoe. Joale ke boitsebiso ba Kreste hara batho ba Hae, Molimo o sebetsa nameng ea motho.

248 Joale, ho sa tsotelehe kamoo A ka ntlotsa hakae, u tlameha ho tlotsoa, le uena, ho e lumela. Ua bona, ke uena ea tlamehang ho ama. Ua bona? 'Me bobeli ba rona, 'moho, re etsa bonngoe. Ha ke u tsebe; ha u ntsebe. U lumela feela, 'me ke a lumela, ke moo Molimo o re tšoarang bobeli ka letsoho. Eo ke Molimo.

249 Hape, le a bona, Bibeletse, "Ha le bua bohle ka lipuo, 'me e mong a kena har'a lona, ea sa rutehang, mofetoleli a le sieo, o tla re 'U a hlanya.' Empa e mong ha a porofeta a senola sephiri sa pelo, ke moo bohle ba tla ithela fatše 'me ba re, 'Molimo u na le lona.'" Ke leboha ho bona ho fihla ha letsatsi leo, ho phela halelele ho e bona hara kereke e bitsitsoeng.

250 Le a hopola, ha e ee Babilona. Ha e a ea Sodoma. E ile ho ba bitsitsoeng, Bakhethoa; ke pontšo eo ba e bonang. Ba hlomme ea bona kantle mono, lihlopha tsa bona tsa mokhatlo le ho tsoella joalo.

251 Empa enoa ke Morena Jesu Kreste ka sebopeho sa Moea o Halalelang, ea tsamaeang har'a batho ba Hae, ho etsa seo A se entseng mehleng ea Hae mona lefatšeng, ho Iponahatsa le Monyaluoa oa Hae, e seng kereke.

252 Phapang e teng lipakeng tsa kereke le Monyaluoa. E seng ho rera thuto, hobane ha ke etse hoo; empa, tumelong ea ka e ithobileng, Monyaluoa o feta hara... kapa, e—e kereke e feta hara matšoenyeho, tiiso ea botšelela, ho e hloekisa. Ke hantle. Empa Monyaluoa ha a etse hoo; o kena Hloibilong pele ho moo. Ke nako ea hore Monyaluoa a bitsoe, ka baka leo joale ke lumela ha e le nako ea ho biletsoa ka ntle.

253 Ntšoarelang, baena, ha kea lokela ho rera thuto, mohlomong ba...?... E ka fapana; ha u etsa joalo, ho tšoana le ho ja cherie phae, ho lahla peō le ho ja phae. Le a bona, ke hantle. Ho lokile.

254 Empa ke lumela e le hona moo re etsang phoso, moo ba bang ba rona ba lumelang, e mong, a re E feta teng. 'Me e mong o re, ehlile, kereke e tla feta ho eona; empa, ehlile, kereke e teng kantle mono Babilona, ka ntle mono Sodoma. Monyaluoa o bitsitsoe, o lutse holimo mona o emetse Mora ea tlang. Ke hantle. E, monghali. Ke hona moo pontšo e hlahisoang teng, e seng tlase hara e—e mekhatlo ea malumeli; kahara mokhethoa.

255 Joale, ka pel'a Molimo, Eo ke emang, 'me ke sa bue leshano, Ke Moahloli oa ka, ke bua ke hlabehile hore ha ho motho moleng oo, bao ke ba hopolang ke ba bona bophelong ba ka. Ha ho motho, kantle ho bao ke ba bitsitseng kantle mona, eo ke tsebang ntho e le 'ngoe ka bona, kapa eo nkileng ka 'mona; ka Bibeletse mona ka pel'a ka.

256 Joale, haeba Jesu e le oa maobane le kamehla, joaloka ha ke le boleletse! 'Me u a tseba ha ke moithuti oa thutabomolimo, ha ke moreri, seo ke se bitsang se kang baruti ba lona mona ba tlotsitsoeng ho rera sena. Ke pitso ea bona eo. Ena ke pitso ea ka, joale ho tlotsoa ka Moea o Halalelang, ho lumella Molimo ho phalla ka batho ba Hae. Ua bona?

257 Joale na le tla e lumela? Haeba A ka Iponahatsa har'a batho ba Hae bosiueng bona, hore O tšepisitse, "Ho se ho se hokae 'me lefatše ha le sa tla Mpona. Bomosalumele ha ba sa tla Mpona. Che, ba ka ntle mono Sodoma. Empa lona le tla Mpona, hoba Ke tla ba le lona, le ka ho lona. Mesebetsi eo Ke e etsang le tla e etsa le lona. Le tla etsa le e mengata ho ena."

258 Ke a tseba King James e re, "e mengata ho feta," empa fumana Emphatic Diaglott 'me u bone hore ha e re—ha e sa re. . . King James e re, "meholo." U ke ke ua etsa e meholo ho feta. Ha ho letho le ka etsoang le fetisang ka boholo. O folisitse bakuli, ho tsosa bafu, ho emisa tlhaho, ho etsa sohle se leng teng. "Empa le tla etsa e mengata."

259 Hobane, O ne a emetsoe ke motho a le mong mono, Jesu Krete, Molimo. Empa joale Molimo o hara Kereke ea Oona, hohle. "Le tla etsa e mengata ho ena, hoba Ke ea ho Ntate; ho khutla ka sebopeho sa Moea, Ntate Moea." Eona Topallo ea Mollo e tsamaisitseng bana lefeelleng, e neng e ahile ka ho Jesu Krete, ea khutlela ho Molimo, le ho re, "Ke tsoa ho Molimo, 'me ke khutlela ho Molimo."

260 Lemohang se hlhalileng hang hoba A etse hoo. Saule oa Tarese, tseleng ea hae e theohang, o ile a otloa ke Leseli le leholo leo, joalokaha ke boletse maobane bosiu. A tseba hoba eo ke Morena. A re, "U Mang, Morena?"

Ho re, "Ke 'na Jesu." Ua bona?

261 Ke eo Topallo eona eo ea Mollo, lona Leseli leo har'a rōna, ho hlahisa Bophelo boo E bo entseng mohla E neng e le ka ho Krete Jesu, e etsa ntho e tšoanang ka hara Kereke ea Monyaluoa kajeno. Ua bona? Na u tla e lumela?

262 Joale Morena Molimo a ke a tle 'me a bue ka seo ke buileng ka sona ka Eena. Tumelo e bonolo eo, joale, Molimo Leholimong o a tseba, le a bona, ho lumela seo feela. Mohla A kopanang le 'na holimo mono, O mpoleletse seo. 'Me ke 'na enoa ke eme bosiu ng bona, kea kholoa ho na le batho ba makholo a mararo—a mararo, kapa ho feta, ka mona. 'Me nkile ka—ka—ka ema pel'a halofo ea milione, 'me ka etsa phepetso, lefatše ho pota. 'Me A ke ke, ha A . . . Ke Molimo. Sena, ha se seo ke se buileng, ke seo A se buileng. Ke Lentsoe la Hae.

263 Joale ke batla e mong le e mong a lule ka hlomphe feela, nakong eo . . . e ntseng e tsoela pele, haeba e etsa. Joale, haeba e sa etse joalo, haeba A sa tle, ha ho letho leo nka le etsang haese ho qala mola oa thapelo, ho bea matsoho holima bakuli le ho ba rapella, le ho ea hae. Empa ke phetho seo nka se etsang. Nke ke ka khona. Ke motho. Ke moena oa lona. Le a bona?

264 Joale, empa joale haeba Moea o Halalelang o tlameha ho etsa ntho e tsoileng ka mahetla, 'me u e hopola e babatseha, Molimo ke tlotla e rapeloang, ho Mo rapela ka bokhoni ba matla a lōna.

265 Empa, joale, 'me le se ke la nka litšoantšo tsa letho, le se ke la halimisa maseli a letho, hobane Ke Leseli. Ba bakae ba boneng setšoantšo sa Eona? Le a tseba. Ehlile. E Washington, DC. Le a bona? Ho lokile. Joale ka hlomphe.

266 'Me ekare lona ba ka morao ho 'na le ka rapela kannete joale, hobane ke shebile letsoele, 'me mohlomong hosane bosiu ke tla leka ho tla ka tsela ena, ua bona.

267 Joale, ha ke tsebe. Ke Molimo feela o entseng tšepiso. Empa ha A ka Itsebahatsa mona, “Benghali, re rata ho bona Jesu,” 'me ke eona feela tsela eo u . . . U ke ke ua etsisa seo, hobane oo—oo ke mohlolo. Ke mohlolohali. Ruri ke mohlolohali. Le a bona? Mohlolohali ke semaka, ntho e ke keng ea hlaloso.

268 Joale mona ho eme mosali. Ha ke na mohopolo o fetisang oa seo mosali eo a se emetseng mono ho feta mang, haese motho ea mo tsebang mona. Ke mosali feela ea emeng mono. Empa ho etsahala hore e be ke mosali. E fihlela mohopolo oa ka, setšoantšo se phethahetseng sa Santa Johanne 4, monna le mosali ba kopana, kamoo Morena a kopaneng le mosali selibeng. Ua bona? Joale, haeba mofumahali enoa ea emeng mona, 'me ke sa . . . Ekaba o a kula, mohlomong ha a kule. Mohlomong o na le bothata ba lelapa. Mohlomong o na le bothata ba lichelete. Kapa mohlomong o emetse motho e mong mona. Ha ke—ke—ke tsebe lebaka la hae mona. Nke ke ka u bolella feela, hobane ha ke tsebe. Ha ke tsebe. Empa o a tseba.

269 Joale ha nka nyoloha, joalo, ka mo bea matsoho, le ho re, “Ke u beha matsoho, khaitseli. Khanya ho Molimo! U tsoanela ho fola, hobane Bible e itse, ‘Behang bakuli matsoho, ba tla fola.’ Amen. Kena leetong la hau, u nyakaletse. U folile.” Be, o batla ho

lumela hoo, hoo ho itoketse, hoba leo ke Lengolo, “Ba bea bakuli matsoho, ba tla fola.” Ke ’nete. Ke seo Bibe le se boletseng.

270 Empa ho ka etsahalang ha Moea o Halalelang o ka ema mona ’me oa ’molella se seng seo a se entseng, ntho esale e le morao bophelong ba hae, seo a se entseng, seo a se etsang hona joale, seo a leng mona ka sona, seo a se batlang? Joale, hape o a tseba, o tla tseba haeba e le ’nete kapa che. Ebe moo a tla tseba hoba hoo ho tlamehile ho tsoa matleng a ka holima tlhaho. Joale e itšetlehile holim’a seo a batlang ho e hlophisa e le sona, joaloka Belsebule; kapa joaloka mosali selibeng, “Rea tseba Messia o tla etsa sena.” Le a bona, ke hona, e ka bang efe, ke moputso oa hae oo a o fumanang.

271 Empa ha A ka ’molella seo esale le sona, ’me—’me haeba e lokile, o tla e tsebisa hore e lokile. ’Me haeba A tseba seo a kileng a ba sona, ruri a ka Mo tšepela seo A ’molellang a tla ba sona. Na ho joalo? Haeba a ka Mo tšepa ho tseba seo A kileng a ba sona, o a tseba haeba e lokile kapa che, joale ho ka thoeng ka seo A tlang ho ba sona?

272 Na ena ha se nako e babatsehlang? Ho re, “U khinnoe ke’ng, Moena Branham?” Ke ntse ke Mo emetse. Ke eona hantle, hantle. Haeba E sa fihle, nke ke ka khona. Ke phetho, ke mpa ke Mo emetse feela. Hantle. Ua bona?

273 Ha re bineng sefela seo sa khale, *Lumela Feela*. Re fe lehlaso mono.

Lumela feela, lumela feela,
Tsohle li lokile, lumela feela;
Lumela feela, lumela feela,
Tsohle li lokile, lumela feela.

274 Joale, ka Lebitso la Jesu Krete, ke beha moea o mong le o mong ka mona tlas’a taolo ea ka, bakeng sa khanya ea Molimo. Joale lulang le khutsitse.

275 Joale, lona ba boneng setšoantšo seo, (’me ke tla kopana le lona tsatsi le leng Setulong sa Kahlolo sa Krete), Ha se bohole ba maoto a mabeli ho tloha moo ke emeng hona joale. Ke hantle. Joale haeba e le ’ona Moea o Halalelang. . . Mang le mang o a tseba hore Lengelo la Selekane e ne e le Jesu Krete, Ea tsamaisitseng Iseraele lefeelleng. ’Me haeba A ka fihla joale. ’Me ke Mo tlalehile e le Leseli leo. Ha ke tsebe feela moo E leng teng, empa E haufi le ’na mona hantle. Ke a E utloa, ’me ke a tseba E teng mona.

276 Joale ha E ka tlosa bophelo ba ka, mehopolo ea ka, litemoho tsa moea oa ka, ntho eohle ho ’na, le ho hlahisa ea Hae ka Sebele, e tla ba Ke Krete. Joale na lōna bohle le tla lumela, haeba A tla e etsa? [Phutheho e re, “Amen.”—Mohl.] Ho lokile, joale le apare tšabo ea ruri. Ke tla tlameha ho qoqa le mofumahali nakoana feela.

277 Joale e ka bang mang enjenere ea maeke ona mona, u shebe. Hobane, ha u kene ponong, u a—u a—u tlohile mona. U nqa e 'ngoe, u tlase bophelong ba motho, nq'a e 'ngoe, joaloka ho kena naheng e 'ngoe, 'me ke loketse ho bua feela le ho bua seo ke se shebileng. 'Me kahobane e tla ntlohela, ha ke hopole seo ke se buileng, ua bona. Ka baka leo u shebe maekrofounu, e ka bang mang. Ha ke ntse ke qoqa le mofumahali enoa joaleka ha Morena oa rona a entse mosali selibeng, ho bua le eena feela, ho tsoara moea oa hae.

278 Hobane, ke qalile ka rera, nakoana e fetileng, 'me ea batla e . . . Pele ke tsoa phaposeng, letsatsi, ke itima lijo kea rapela, 'me E haufi le 'na haholo. 'Me ke tlameha ho kena hantle feela, ho lumella motho e mong ho bua, le ho tsamaea hantle ho kena sefaleng. E betere haholo. Empa hoba mona feela bosiueng bona, ke moo ke—ke batlang ho ho bua le mofumahali eo.

279 Joale, mofumahali, Morena Jesu o moholo. 'Me ha A shoa, empa O phela ka mehla le mehla. U lumela seo? Ke—ke lumela hore u a e lumela. Joale re eme mona, joaloka monna le mosali ba tlamehang ho tobana le Kreste tsatsi le leng, re—re tsoanela ho 'Mona. Empa kea lemoha hobane u Mokreste. Hobane, hang ha ke qala ke bua, ke utloa moea oa bona o kena.

280 Joale ha mofumahali a ka e paka le 'nete, hona joale o utloa maikutlo a hlolang haholo, a mosa ruri, a futhumetseng. Joale ha u ka sheba ka mahlo a hau, uena ea eso E bone, ke Lena hantle lipakeng tsa ka le eena, ua bona, Leseli le kang le bosehla. Le lutse hantle holima mofumahali, hona joale. 'Me, ka Lebitsu la Morena, o a eelloa hoba o arubetsoa ke ntho e monate haholo, e fapane le seo u . . .

281 Feela, u a tseba, boteng ba moena oa hau bo ke ke ba etsa hoo. Haeba e le 'nete, phahamisetsa batho letsoho la hau feela. Le a bona? Yaa.

282 Joale hantle mona, ke shebile mofumahali hantle, khokahano e phethehileng le eena. Mofumahali o tsoenngoa ke ho hong, 'me ke hore o siriloe ke seriti. Seriti se lefifi se aparetse mosali, 'me o khathatsehile. E, ke mofetše. O tsoeroe ke mofetše, 'me mofetše oo o letsohong la hae, o monoaneng oa hae. Ke hantle, letsohong la hau. Ha ke e bone mona, empa e letsohong la hae, leha ho le joalo. Ke hantle.

283 Hobaneng, ka phapano, motho o a nahana . . . U se ke, u se ke ua leka ho pata mehopolo ea hau joale. Nka e tsoara mona ka Moea o Halalelang. Motho o itse, "O e hakantse." Ha kea e hakanya. Ha ke tsebe mosali eo. Joale, ha kea e hakanya. Ha ke a etsa joalo.

284 Be, mona, u mpa feela . . . Ha ke khone ho e bona ho tsoa moo ke emeng, e holim'a . . .

285 Mona, ho lokile, theola letsoho la hau. Ntalime. Ho lumela hobane ke mohlanka oa Molimo. Na u tla etsa joalo? Ho lokile,

ha re ee nqa e 'ngoe. E, u molumeli. 'Me u loketse ho lumela hoo. Nkile ka u rapella hang, khale koana, u jeoa ke mofetše, eaba u a folisoa.

²⁸⁶ U re, “U tseba mosali eo.” Ha kea etsa. Ha ke eso 'mone bophelong ba ka, kamoo ke tsebang, ke mpa ke 'mona ponong ena.

²⁸⁷ Mona ere ke u bontše se seng. O na le motho pelong ea hae, eo a mo rapellang. Ke monna oa hae eo. O teng mona. Ha nka u bolella bothata ba hae, na u tla lumela hoba o tla folisoa? O na le bothata ba prostrate. 'Me hoo ke HO RIALO MORENA. E, Jesu Kreste o a u folisa.

²⁸⁸ Lea lumela na? “Benghali, re rata ho bona Jesu.” E sa le Eena maobane, kajeno, le kamehla. Na u E lumela e le Mora Molimo? Joale ba bakae ba lona ba lumelang hore ke Jesu Kreste? Ebang le tumelo feela. Le se belaele. Lumelang Molimo. O moholo kajeno joaloka ha A entse le ka mohla.

²⁸⁹ Joale u boletse, joaloka, “Benghali, re rata ho 'Mona.” Joale, haeba seo se entse mosali selibeng, tlasa maemo ao, maemo a hae—a hae—a hae a semoea, ho hlokomela hoba eo ke pontšo ea Messia; 'me rōna babali ba Bibeletse, re tlatsitsoe ka Moea o Halalelang, e tlameha ho re etsetsa'ng?

²⁹⁰ Joalo ka ha ke nahanne hangata, mohla Maria a emerisitsoeng ke Moea o Halalelang o ileng oa khurumetsa oa bopa lesea lena, oa 'molella se neng se etsahala. I ile a matla a etela ho bona motsoala oa hae, Elisabetha, eena a le likhoeli li tšeletse ka—ka Johanne, mosali oa Zakaria. 'Me e ne e le bomotsoala. 'Me eitseha Maria a bolella Elisabetha a re o tla fumana lesea, a sa tsebe monna, hore Moea o Halalelang o ne o tla e tlisa, le ho re, “Ba bitsitse Lebitso la Hae 'Jesu.’” Le a tseba, Johanne e monyenyanane, 'me o ne a le likhoeli tse tšeletse seng popelong ea 'mè, 'me le joale a eso sisinyeha. Le a bona, ha e a tloaeleha; likhoeli tse ka bang peli kapa tse tharo 'me lesea le a sisinyeha. Empa, sena se ne se sa tloaeleha, Johanne e monyenyanane o ne a shoele popelong ea 'mè oa hae. 'Me hang hoba tumeliso ea Maria e fihle tsebeng ea hae, ho re, “Ke tla bitsa lebitso la Hae, Jesu.” Khetlo la pele Jesu Kreste a kileng a boleloa ke melomo ea motho, ea phelisa lesea le lenyenyanane, le shoeleng, popelong ea 'm'a lona.

²⁹¹ E lokela ho etsa'ng ho monna kapa mosali ea tsoetsoeng ke Moea oa Molimo? Le a bona? E tlameha ho etsang athe re itseba re phela matsatsing a qetelo. Lengolo le qhobetsong mona har'a rōna—hara rōna, bosiueng bona, holim'a mantsoe a rōna kantle mona, ho bona Jesu Kreste a re hlahisetsa pontšo ea ho qetela pele ho mollo? Ebe Le tlameha ho re etsetsa'ng? Ho re romela mangoleng a rōna, ho baka.

²⁹² Ke eme nakoana feela, ruri, e le mokhoa oa ho e hlohlora, hobane e a mphokolisa. Haeba e fokolisitse Mora oa Molimo,

molemo o tsoile ho Èèna, e ka nketsang, moetsalibe ea pholositsoeng ka mohau?

²⁹³ Joale mosali e mocha ke enoa joaloka . . . Na enoa ke ea latelang, na enoa ke . . . U phela joang? Ke ne ke retolohile. Ke sa tsebe. Ha re tsebane, kea kholoa. Ha re tsebane. Ha ke u tsebe. 'Me u monyenyanane ho 'na ka lilemo, 'me mohlomong re siana ka limaele. Khetlo la pele re kopana. Empa na u a lumela ke moporofeta oa Molimo, kapa, ntšoarele, ke bolela mohlanka oa Molimo? Taba eo e khopa batho, lebaka . . . Taba ena e teiping. Lea lumela ke mohlanka oa Hae?

²⁹⁴ Na u a lumela Jesu Kreste ke oa maobane, kajeno, le kamehla? 'Me u lumela seo, lona, Leseli lena leo ke buang ka lona, hore oo ke Moea oa Molimo, Moea o tšoanang, Topallo eo ea Mollo e haotseng le bana ba Iseraele, ea bonahatsoa? Eena Ea keneng teronkong bosiuang boo, Leseli leo, le Simone Petrose, le ho bula menyako ea chankana, ho mo ntšetsa kantle, ka tokoloho?

²⁹⁵ Na u a lumela ka letsatsi le leng O tla kena 'me a re lokolle? Le 'na, ke etsa joalo. Ho tla lebitleng le ho bula menyako, Ke tla tsoa har'a bafu. Ke a Mo tšepa. O teng mona bosiuang bona. Na ha ho babatsehe ho tseba hobane ha re a tlameha ho amohela filosofe ea motho? Mona re tšoere Bibeletse e buang ka sena. 'Me ke enoa moo A leng teng ho bonahatsa Kereke ea Hae, ho e abela tumelo e hloibilang ho tlosoa. Motho a ka lula a khutsitse joang!

²⁹⁶ Ho bua le mofumahali feela. Joale, ha ke mo tsebe. Letsoho la ka ke lena, ha ke eso 'mone, kamoo ke tsebang. Feela, haeba ke sa u tsebe 'me u sa ntebe, batho ba tla re . . .

²⁹⁷ Motho o n'a re, monna eo ke neng ke qoqa le eena kajeno, tlase mono a thonaka makotikoti, a re, "Batho ba itse, 'Moena Branham o tla le sehlopha sa hae 'moho, o ba tseba joalo."

²⁹⁸ Ke hlapanya ke hlabehile pela Molimo, ha ke eso bone mosali eo bophelong ba ka, kamoo ke tsebang, kapa motho e mong moleng oo.

²⁹⁹ Haeba re sa tsebane ka botlalo, khaitseli, ha ke u tsebe kapa letho ka uena, phahamisa letsoho la hau, haeba ke sa u tsebe le uena u sa khone. Ke moo. Ha ke eso bone mosali. Ho lokile.

³⁰⁰ Empa ke tseba Motho ea emeng mona le rōna, Ea re tsebang bobeli ba rōna, O re fepile matsatsi ohle a ho phela ha rōna. Ke Eena eo ke mo tšepang. Ke Eena eo ke mo lumelang.

³⁰¹ Joale haeba nka u thusa, 'me ke sa batle ho e etsa, nka be ke sa tšoanelehe ho bua ka Lentsoe lena. Ha ke na tokelo, le hona. Empa hola nka u thusa, 'me nka sitoa, empa nka etsa ho le hong feela . . .

³⁰² Hola A ne a eme mona, 'me u ne o kula, ebe u re, "Jesu, mpholise." O ne a tla re, "Ke se ke e entse mohla ke shoang

Kalvari.” O *ile* a tetekoa ka baka la makhopo a rōna. Teng moputso oa qetoa, keha ho felile.

303 Empa joale A ka paka hoba E ne e le Jesu, ka ho le bontša pontšo ea Messia, hore E ne e le Jesu. 'Me O tšepisitse ho e etsa. Ha se le e . . . Khele! Ha ho fera ea liabolosi ho phonyoha, ha ke re? O tsoakelitsoe sekhutlong. Na ha E babatsehe? Ke batla . . .

304 Lebaka leo ke buileng seo, ke shebile ntho e 'ngoe e etsahala. Mofumahali o sa tsoa etsoa karo. Ke hantle. Na ho joalo? Bothata ba bosali, 'me o se o entse oporeishene. O se o . . . Na ho joalo? 'Me u fokola ruri m'me hape u linerefe. Na ha ho joalo? Ha u khone ho hlaphoheloa. 'Me u tlile. 'Me bosiuong bona, pele u etla, u rapetse hore u tle u fihle mona le ho rapelloa, moleng. Na ho joalo? Phahamisa letsoho la hau. Ha ke bale mohopolo oa hae. Che, che. Ha nka u bolella na u mang, ka Moea oa Molimo, u a tseba haeba e le 'nete kapa che, ha ke re? Na e tla u thusa ho lumela? Na u tla lumela ka pelō eohle ea hau? Mof. Gideon, lumela. Ke hantle. E-ea hae, Jesu Kreste o a u phelisa. 'Me u lumele.

305 Lea lumela na? Ha re re, “Ho bokoe Morena.” [Phutheho e re, “Ho bokoe Morena.”—Mohl.] Khele, molemo, ha se le . . . Ebang le tumelo ho Molimo feela. Le se belaele.

306 Hopolang, e ne e le HO RIALO MORENA. Shebang seo A se buang. Ua bona? Pono ke ntho e 'ngoe, 'me HO RIALO MORENA ke e 'ngoe.

307 U phela joang, monghali? Ke molata ho uena. Re merabe e 'meli e fapaneng, le hona; joaloka mosali selibeng, empa Jesu o mo tsebisitse. Molimo o bopile ka mali a le mang batho bohle. Lichaba le libaka tseo re holetseng ho tsona, le ho fetola mebala ea rona, ha ho moo e amanang teng le rona. Re baena, libopuo, tsohle li tsoa ho Adama. Ke hantle. Empa merabe e 'meli e fapaneng e kopana mona bosiuong bona, joaloka ha e entse mohlantso. Haeba Jesu Kreste, Mora oa Molimo, a ka ntšenolela seo u emeng mono u se batla, u a lumela O tla u fa eona? U a e tseba. Kea u leboha, monghali. U a e tseba. Ho lokile, ke moo bothata ba hau ba mala bo tla u tlohela, 'me lefu la hau la tsoekere le tla be le nyametse. Khutlela hae.

“Ha u lumela, tsohle li ka etsoa.”

308 Joale mang le mang a ka bona, a mo thusa holimo mono, ntho e teng ea boritsa ka ho eena. Ha ke tsebe. Ha ke eso bone mosali eo. Ke molata ka botlalo. Hola nka mo folisa, ke ne ke tla e etsa. Nke ke ka khona. Joale sheba ka nqa ena, khaitseli. Petrose le Johanne . . . Hoo ke ho tsoara feela . . . Ua bona, batho ba teng haufi, ua bona. Le sa Mo hopola a isa monna oa sefoku kantle ho motse, le joalo-joalo, le a bona, boinots'ing le Eena. Le a bona, motho e mong le e mong ke moea o phelang, le a bona, 'me E tla u ntša tumelong ho tsoa hohle.

309 Joale, nke ke ka folisa. U tseba seo. Ke monna, joaloka monna oa hau—oa hau, ntate oa hau, kapa mang feela. Ke motho, ke motho feela. Empa Eena ke Molimo. Ke hantle.

310 Joale, ke 'nete hore ho holofala ha hau ke ramatiki. Le uena—u na le ramatiki. E mpe, e mpefala ka linako tsohle. Ke hantle. 'Me ntho e 'ngoe, u jeoa ke maemo a nyarosang a linerefe. U jeoa ke senya. Ke hantle. Khatello e holimo ea mali. O na le mathata. Ke hantle. Ha u tsoe mona. Che, u tsoa California. U khutle, 'me u lumele. U tla fola, ka Lebitso la Jesu Kreste. E ba le tumelo.

311 U a lumela na? Ho lokile, ha re phahamiseng matsoho a rōna feela 'me re re, "Kea U leboha, Morena Jesu."

'Me, Morena Jesu, re U fa thoriso le khanya, ka baka la molemo 'ohle oa Hau le mohau ho rona. Ka Lebitso la Jesu Kreste. Amen.

312 Eba le tumelo feela 'me u lumele. Joale mo shebeng ha a tloha. Shebang mono. Ua bona? Ua bona? E reng, "Ho rorisoe Morena." [Phutheho e re, "Ho bokoe Morena."—Mohl.] Amen.

313 Jesu Kreste ke oa maobane, kajeno, le kamehla. Ha A bue leshano. O bolela 'nete. Seo A u bolellang sona, se tla ba joalo feela. Ke oa maobane, kajeno, le kamehla. Ha A hlollehe le ka mohla.

314 Joale, mang ea lumelang seo, ha u ka e amohela, e tla sebetsa ka ho tsoana holim'a hau. U tlameha ho etsa ho le hong feela ke ho lumela. Joale, mang le mang ea lumelang har'a letšoele? [Phutheho e re, "Amen."—Mohl.] Ho lokile.

315 Ho ka thoeng ka uena ea nang le methapo eo ea varicose? U nahana Molimo a ka u folisa eona, ho u phelisa? U a lumela na? Ho lokile, e tla u lesa ke hona.

316 Ke batla ho u botsa, "Ke mang, O amme mang?" Ha a ama 'na. Na ho joalo?

317 Ho thoe'ng ka uena, na ua lumela? U lumela hore bohloko bo lehlakoreng la hau bo tla tloha? U utloa bohloko ka lehlakoreng la hau. Ho lokile, bo tla nyamela.

318 Ke le phepetsa ho e lumela, Jesu Kreste maobane, kajeno, le kamehla, ho Iponahatsa har'a batho ba Hae. Ha ke eso bone mosali eo, ha ke eso bone motho eo. Ba amme eng? Ba amile Moprasta e Moholo. Ba bohole ba maoto a mashome a mabeli ho tloha ho 'na. Ha ba khone ho nkama; ho ke ke ha thusa letho, le hona. Empa ba amile Moprasta e Moholo, 'me esale Eena maobane, kajeno, le kamehla. Ke Jesu Kreste. U tsoanela ho lumela, leha ho le joalo.

319 Joale monna enoa, monna ke enoa, joaloka Simone Petrose. Mohlomong monna oa pele ea tlileng bosiueng bona, kea kholoa. Monna o tlile ka pele mona, joaloka Morena Jesu; monna, Simone Petrose o tlile ka pela Morena Jesu. Monna; kea kholoa e ne e le basali, joale ke monna. Joale haeba E le oa maobane, kajeno, le

kamehla, O tla itšoanela le kamoo A neng a le kateng mohlang oo. Na ho joalo? Joale ha ke tsebe monna eo; Ntate oa Leholimō o tseba seo. Ha ke mo tsebe. Ke monna ea emeng mona feela. Empa Jesu Kreste o a mo tseba. 'Me ha Jesu Kreste a ka ntšenolela lebaka la hae mona, kapa ntho e 'ngoe ka eena, 'me—'me O tla e bua, o a tseba haeba e le 'nete kapa che. Monna o tla e tseba. 'Me ha motho a mo tseba mona, ba tla e tseba. Empa ha ke—ke e tsebe. Ke tlameha ho ema feela. Empa karabo e mona. E teng mona, e ka ho Kreste. Ke hantle, 'me re a e lumela.

³²⁰ 'Me joale ena ke khato e fokolisang; haholo, e a fokolisa. 'Me ke tšepa le tla lumela le be le tumelo.

³²¹ Joale, ha ke u tsebe, monghali. 'Me joaloka ha motho a tlisitse Simone ka pel'a Morena Jesu. Joale ha ke re. . . Ha ke Morena Jesu, ua bona. Ke motho feela. Empa ke leka ho bolela hore O teng mona hara batho, 'me ke batla hore ba bone. 'Me haeba ba ka bona seo, ka sebele bona—ba ka e lumela 'me ba e amohela. Ha tsohle. . . Haeba tšepiso ena, haeba A ka e etsa. . . A ke ke a tsoela mono feela, le ho kena ka mona, ho re, "Ke tla u folisa. Ke tla u folisa." Ea Hae. . . E tla be e le khahlano le Lentsoe la Hae. Ua bona, O se a entse hoo. O mpa feela. . .

³²² Ntho ea ho qetela A ka e etsang ke ho paka feela hore O teng mona ho boloka Lentsoe la Hae. 'Me haeba A ka boloka sena le ho se bonahatsa holimo mona ka pel'a lona batho bohle, ruri mosali eo oa seritsa ea neng a loketse le ho phahamisoa holim'a ntho ea li-inchi tse 'ne mono, ka athritisi, eaba o qhomela holimo-le-tlase 'me a matha mona, hobane e ne e le HO RIALO MORENA. Ua bona? O mo folisitse. Joale ruri le ka lumela hobane O teng mona.

³²³ Joale monna enoa, molata ho 'na, le 'na ho eèna. Ka bobeli ha re tsebane. Joale ha Morena Jesu a ka e senola, e ke e be moahloli. Joale na le tla lumela bohle le amohele pholiso ea lona, e ka bang eng, na le tla lumela ka tsohle. . .

³²⁴ Mofumahali e mong o hlahile ka pela ka mona. Mofumahali ea tšoereng ke matšoafo, lumela ka pelo eohle ea hau 'me Jesu Kreste u tla o phekola, ha u ka lumela. U a e lumela na? Ke molata ho uena, empa Jesu Kreste o tseba seo u se nahanneng. Joale u lumele, 'me u tla phela. Amen. Amen.

³²⁵ Na ha A babatsehe? Ha ke tsebe mosali eo, ha ke eso 'mone bophelong ba ka. Ke mofumahali ea lutseng mono feela. Empa eena. . .

³²⁶ E re ke u bolelle taba. O ne a lutse mono, a ntse a re, "Morena, e re ke U ame." 'Motseng haeba e sa loka. Ke eona. Ke hantle.

³²⁷ 'Me ka 'mona a hlaha mona, 'me ka utloa seo a se buileng, 'me ka hetla, 'me ka nahana, "Motho oa mofuta oo o kae?" Ke sa e bone hohle. 'Me ka 'na ka sheba. 'Me ha a ne a. . . Ka qamaka, ka kotloloho ka bona Leseli leo le haola le okamela mosali, e ne e

le eo, ua bona. Jesu Kreste maobane, kajeno, le kamehla. Amen. Morena Jesu o tseba tsohle.

328 [Moena e mong o re, “Mofumahali o tlile le ’na.”—Mohl.] Ke seo e neng e le sona. Monna enoa o re mofumahali a tlile le eena. Amen. Na seo ha se ntho e itseng? Le a bona? Joale na ha ho . . . Na hoo ha ho babatsehe? Morena Jesu o tseba lintho tsohle. Ha le bone na? E ke ke ea eba ’na, metsoalle. Le tseba seo. Le—le bohlahe ho feta moo. Le a e tseba.

329 Joale ho monna enoa ea emeng mona. Joale, ha ke u tsebe, ’me ha ke tsebe letho ka uena, ha Morena Jesu a ka ntšenolela lebaka la hau mono, kapa seo u se entseng ho hlaha bothata ba hau, kapa seo e ka bang sona, u tla tseba hobane Eèna, e tlamehile e be e le Morena Jesu. Ke hantle. Be, joale A ke a abe seo.

330 Ntho ea pele, monna o jeoa ke e—e maemo a mali. Che, ke khatello e holimo ea mali. O jeoa ke mali a phahameng. Hape o na le phoso ka ’mele oa hae. Ke ’mona a lutse a phahamisitse maoto a hae, kapa ho hong. . . Oh, ke—ke metsi a bokellanang maqaqailaneng a hau, ka mokhoa oo. Hela, u moreri, moreri oa Evangeli. U a lumela Molimo a ka mpoella u mang? Mor. Williams, ha u lumela ka pelō eohle ea hau, u ka tloha mona ua phela. Molimo a u hlohonolofatse. Amen.

U a lumela na?

331 U a lumela Molimo o folisa mofetše? U a lumela O folisa mofetše ’me o phekola batho? Tloha kalaneng, u lumela, ’me u fole. Amen. Lumela ka pelō eohle ea hau.

332 U a lumela Molimo o folisa bothata ba pelo? U etsa joalo? Be, ea hau e folile. Tloha u lumele ka pelō eohle ea hau. Ho bokoe Molimo feela! Amen.

333 Joale, u ile ua arubetsoa ke maikutlo a hlolang ha ke rialo ho monna, kaha u ne u jeoa ke pelō, le uena. Ha u ka tsoelapele ho lumela, e ke ke ea khutla. E tla fela ho hang. E-ea, lumela ka pelō eohle ea hau. Amen. Ho lokile.

334 Mosali enoa ea tlang mona o siriloe ke lefu. O ne a tšoeroe ke mofetše, empa joale o folile. Lumela ka pelo ea hau eohle, ’me o tla nyamela, ’me o fole. Haeba u sa belaele, e ke ke ea khutla haeba u sa e belaele, empa lumela.

Tloo, mofumahali.

335 Joale u re ke ne ke “bala mehopollo ea batho.” E fetole tjena. Lengeloi la Morena le neng le loketse ho hlaha matsatsing a qetelo, Morena Molimo Jehova, o ne a tlamehile ho tseba se ka mora Hae, joaloka ha A entse. Mosali enoa o ka mora ka.

336 Lumela, khaitsetsi. U a lumela ke mohlanka oa Molimo? Haeba u etsa joalo, phahamisa letsoho la hau.

337 Mofumahali enoa ka mora ka, na o phahamisitse letsoho la hae? [Moena e mong o re, “Ee.”—Mohl.] Ha Morena a ka

ntšenolela, ho sheba nqa *ena*, molato ke eng ka mosali, na le tla lumela ka pelō eohle ea lōna? [Phutheho e re, “Ee.”] O na le bothata ba bosali, bothata ba mafumahali.

338 Ha ho le joalo, tsokotsa letsoho la hau, mofumahali enoa mona. U folile joale, 'me Jesu Kreste u a o folisa. Khanya ho Molimo! “Joaloka matsatsing a Sodoma, ho tla ba joalo ho tlang ha Mora motho.”

339 Tulo *ena* e sefahlehong sa hae e fetohile mofetše. Ha a ka lumela ka pelo eohle ea hau, u ka ea, 'me e tla u lesa, 'me o tla phela. Nke ke ka folisa, empa Molimo o tla etsa joalo ha u ka lumela ka pelo eohle ea hau. Ha ke mofolisi. Uh-huh. Amen.

340 Na u lumela ka pelo eohle ea hau?

341 Sheba nqa *ena*, mofumahali. U tšoeroe ke ramatiki, e mpe ho feta hoseng, ha u leka ho tsoha betheng. U leketlisa leoto le le leng, ebe u leka ho tsamaea, le ho itšoarella ka lintho ka linako tse ling, ka tlung, ho leka ho potoloha. Ke hantle haholo. Ha u ka lumela ka pelo eohle ea hau, Jesu Kreste o tla u phekola. Hosane thapama e tla be e fapane, ha u ka e lumela.

342 Ha re re, “Ho rorisoe Morena.” [Phutheho e re, “Ho bokoe Morena.”—Mohl.]

343 Monna enoa o holile. O na le bothata bo bitsoang prostrate, e leng lilemo tsa monna enoa. O na le lintho tse ngata tse fosahetseng ka eena. Empa e 'ngoe ea lintho tse kholo tseo a batlang hore ke mo rapelle tsona, ke ramatiki. Esale e mo tšoenya nakoana. Ke hantle. U a lumela na? Ikele ka tsela ea hau 'me u fole. Le ho leboha Jesu Kreste, ho folisa bakuli! . . . ? . . . Ho lokile, monghali.

344 Ha ke tsebe ngoanana eo, ngoana ea shebehang a atlehile 'meleng. Nchebe 'me u lumele, mofumahali. Na u lumela ka pelō eohle ea hau? U a lumela ke mohlanka oa Hae? U a lumela Molimo o ka ntšenolela bothata ba hau? U mothating oa ho khahloloa ke methapo, ho tsoa boemong ba methapo. Liabolosi o u thetsitse, ho leka ho u nahanisa u lahlehelo ke kelello ea hau, le ntho e 'ngoe le e 'ngoe. U se ke ua e lumela. U lokolohile. Jesu Kreste o a u lokolla. Amen.

345 Na le a lumela, letšoele lohle la lona? Na le a lumela joale, ka pel'a Sefahleho sa Hae?

346 Na u lumela ka pelō eohle ea hau, khaitseli? U a Mo lumela na? U etsa joalo? Ka Lebitso la Jesu Kreste, fola. Amen. Lumela ka pelō eohle ea hau.

347 O tšohile, o na le bothata ba mafumahali, hape u tšoeroe ke ramatiki. E haufi le ho mo holofatsa. Ha u lumela ka pelo eohle ea hau, u ka ea lokoloha. U a e lumela na? Ka hona, tsamaea ka Lebitso la Morena Jesu Kreste. Kea kholoa o otlolotsoe, 'me o folile.


³⁴⁸ Na u lumela ka pelo eohle ea hau? Joale bea butle. Na Jesu Kreste o boloka Lentsoe la Hae? Na O boloka Lentsoe la Hae? Ba bakae ba lumelang hore O a tšoana? Ba bakae ba lumelang hore le bona Jesu Kreste a sebetsa har'a batho ba Hae? “Benghali, re rata ho bona Jesu.”

³⁴⁹ Joale, ke le bolella 'nete. Ruri le ka lumela ha Molimo a le bolella hore ke le bolella 'nete. (Joale ke utloa mora oa ka kapa motho ea hulang baki ea ka, e boelang nako eo a ntumellang ho tsamaea ka eona.) Ke batla ho le bolella 'nete, leo ke Lentsoe la Molimo le tšepisitseng ho etsa hoo.

³⁵⁰ Lentsoe le boetse le tšepisitse sena. Le phahamisitse matsoho a lona la re le balumeli. Na ho joalo? Mantsoe a ho qetela ao Jesu a buileng, pele A nyolohela Holimo, O itse O fa batho lineo, O itse, “Mehlolo e tla tsamaea le ba lumelang ke eona ena. Ha ba bea bakuli matsoho, ba tla fola.” Na ho joalo? “Haeba bao,” balumeli.

³⁵¹ Ke balumeli ba bakae, ba reng, “Amen.” [Phutheho e re, “Amen.”—Mohl.] Ha ho le joalo beha motho ea haufi le uena letsoho. Bea letsoho la hau holim'a ea pel'a hau. Behanang letsoho holima e mong. Oho, joale rapella motho eo.

Morena Jesu, aba sena, Morena.

³⁵² Satane, tsoa sehlopheng sena sa batho, ka Lebitso la Jesu Kreste. 

63-0627 Jesu Kreste Eena Maobane, Kajeno, Le Kamehla
Associated Brotherhood Of Christians Campground
Hot Springs, Arkansas U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org